





七十八代

娶葉氏鸞

仙夫婦合

茂材

葬本保屋  
基裡鐘形

與邦連夫

婦同穴

茂相

娶葉氏蓮  
仙

茂春

娶王氏

茂壯

娶失氏

茂蓬

娶陳氏

茂英

娶王氏

茂辯

娶葉氏

茂萍

娶失氏

茂結

娶失氏

茂京

娶失氏

茂景

娶王氏

福佑

娶失氏

加佑

娶失氏

茂瑜

娶失氏

茂宦

娶失氏

茂意

娶失氏

茂苡

娶馮氏

茂夢

娶王氏

茂節

娶失氏

茂德

娶失氏

七十九代

天寵

娶吳氏

加元

妻馮氏

嘉瑞


妻葉氏

嘉會

妻馮氏

天祿

娶失氏





天鏃 娶失氏

天其 妻盧氏

天位 娶失氏

天曉 妻朱氏

高濟 妻馮氏

天鑑 妻失氏

天仁 妻失氏

天宗 娶失氏

佛藹 妻黃氏

光佑 娶黃氏

太佑 妻失氏

天宏 妻失氏

天釵 娶失氏

元濟 妻失氏

天誠 妻失氏

祖佑 妻失氏

天錠 妻失氏

天四 妻失氏

天鵝 娶失氏

天誥 妻失氏

天鼎 妻失氏

慶濟 妻失氏

天鏟 妻失氏

天欽 妻失氏

天福 妻失氏

本濟 妻失氏

奇濟 妻失氏

意濟 妻失氏

天夫 娶失氏

仲元 娶失氏

國祐 娶失氏

天琉 八甲二房祖葬短逕嶺與應章廷學同穴

八十代


應宿 娶失氏

應坤 娶失氏

應兆 娶失氏

應光 娶倪氏

應壽 娶失氏





福才 妻失氏

應順 妻失氏

應義 妻失氏

應典 妻黃氏

八十一代

廷化 八甲三房 祖娶失氏

廷駱 娶失氏

廷維 妻失氏

廷洪 娶失氏

遲安 娶失氏

之尊 妻失氏

喜孫 娶失氏

廷龍 妻失氏

加興 娶失氏

長孫 娶失氏

照 娶失氏

月保 妻失氏

廷什 妻失氏

廷鳳 妻失氏

廷武 妻失氏

廷英 八甲二房祖葬短逕嶺培上與先海夫婦并鄭氏翠芳同穴妻失氏

八十一代





先忤 娶失氏

先煜 八甲長房 祖娶失氏

敬祖 八甲三房祖茂 棠公支娶失氏

思祖兄弟 八甲三房茂棠 公支妻俱失氏

四毛 一甲祖妻 失氏

八十二代

太侗 妻失氏

大俊 妻失氏

大偉 八甲長房 祖娶失氏

又生 八甲三房 祖妻失氏

大辰 八甲三房 祖妻失氏

八十四代

起源 妻失氏

天保 八甲三房 祖妻失氏

起仁 一甲祖娶王 氏又娶失氏

八十五代


九壽 八甲三房 祖天健公 支妻失氏

德霞 娶王氏金 英

德學 八甲三房 祖妻失氏

德清 妻失氏

觀祈 一甲祖娶 失氏





八十六代

茂時

妻失氏

未知派系眾祖考名目

六一

娶方氏

小毛

八甲二房  
祖葬七公  
壠與應武  
失婦同穴

羊保

八甲二房  
祖葬七公  
壠與道保  
同穴

道保

八甲二房  
祖葬七公  
壠與羊保  
同穴

青玉

八甲二房  
祖葬短逕  
嶺與夢德  
大貴同穴

文孫

標

紹祖

必化

三孫


龍壽

成孫

順孫

五孫

貴孫





祁祖

念祖

超祖

用夏

丙孫

德龍

興孫

守訓

郎

守初

蒼

廷

季祖

守先

道長

守時

先宜

未知派系眾祖妣名目

王氏秋容


八甲二房  
祖葬短逕  
嶺右降與  
大敬并王  
氏喜蘭同  
穴

王氏喜蘭

八甲二房  
祖葬短逕  
嶺右降與  
王氏秋容  
并大敬同  
穴

鄭氏翠芳

八甲二房  
祖葬短逕  
嶺培上與  
先海夫婦  
并廷英同  
穴





八甲三房

祖天循公

黃氏愛娥

支葬五保  
辛公坐同

曾錫李氏

松芳共穴

王氏奇蘭

鄭氏鑑玉

吳氏鳳仙

廖氏玉貞

王氏亞香

談氏貴真

黃氏菊香

王氏九真

丁氏蘭香

李氏月蘭

八甲三房

祖天循公

葉氏夏圭

支葬五保  
辛公坐同

龍錫大勇

共穴

鄭氏福英

朱氏靈芝

葉氏鑾香

鄭氏芝香

黃氏金蘭

八甲三房

祖天循公

馮氏法蘭

支葬小獅  
保塢同大

榮共穴

陳氏記香

吳氏秀香

葉氏聖仙

王氏玉蘭

陳氏金秀


洪氏白玉

倪氏壽弟

陳氏奇真

劉氏銀香

葉氏蘭仙





葉氏茴香

王氏高秀

桂氏二香

葉氏團仙

李氏嬌音

馮氏銀香

馮氏蓮香

馮氏時香

黃氏桂香

曾氏桂香

黃氏湘娥

王氏畫蓮

王氏愛蓉

馮氏蓮香

黃氏芝蘭

陳氏秀蘭

王月荷蘭


葉月識王

葉月蘭英

葉月蘭香

吳月香香

*[Faint bleed-through text from the reverse side of the page, including names like 黃月愛娥, 葉月夏圭, 葉月蘭香, 葉月蘭英, 葉月蘭香, 吳月香香]*






南源汪氏支譜卷之九

仕周公記

按仕周公精青囊之術博覽楊曾廖賴之書而探其秘於太極動靜之微芒以與爲消息故窺天玉疑龍之學輒有神悟遂與一時鄭英才陳伯齊諸友同受業於張宗道於龍穴砂水與庸師之掇拾皮毛挾南車以行術藝者迥別相傳相宅卜基村落多其建造亭閣方向亦經指授卜牛眠以安妥先靈罔不盡心生值明初太祖洪武龍興建業宗道深山隱處而仕周公亦不輕爲人談地理曰其精者難言而俗師之誘人以禍福又少真訣耳

竹溪饒世恩撰





又記

公精堪輿之術親受業於張宗道先生之門與鄭英才陳伯齊爲  
道友山形水象河洛陰陽盡悉其蘊故能擇吉地上旣安葬數代  
祖先下復遺數穴於孫子此陰基之善也至於陽宅規方定向開  
門戶取路道砌月池放水路結圍塋西鑿十數塘以積注蓄東起  
橋梁亭榭以補峯巒此陽基之善也細閱陰陽二宅龍身局陣無  
一全美者一經公手妙用人力巧奪天工堪輿書所謂泥鰍浪裏  
跳龍門蚯蚓波中成蜿蜒其在斯乎其在斯乎十數世來子孫蕃  
衍枝葉茂盛皆公之手澤所存留也


八十七世裔孫焱圭拜記

時年六十八歲



敬敷文會序

曾子曰君子以文會友蓋學以明道文以載道學問與文章併爲一途而人才於是乎出然人才振興雖由君相之鼓舞師友之薰陶而一二寒素之家或苦於廩粟不給脩脯無資卽有美材嘗嗟仰屋甚矣文會之興實培植人材之本也我祁南溪汪氏夙稱衣冠右族習舉子業者居多彬彬然文采風流皆一時之彥而族中諸君子計慮尤周欲養其根而竣其實謀置田若干畝爲栽培讀書之用由是商之族人靡不踴躍輸將鱗集麋至浹旬間共得租三百餘秤定其規條謹其出納量所積之多寡斟酌而審用之行見春誦夏絃咸敦實學他日者科名雀起簪笏蟬聯於以黼黻隆





平發爲經濟胥由此其選也其裨益豈淺鮮哉會旣成諸君子囑  
余記之其曰敬敷者乃以其祠名名之紀實也余不敏弇鄙無文  
謬承誣諉勉綴數言敘其緣起如此時  
咸豐十年歲次上章涪灘小春月同邑末學陳得荃退菴甫撰

八甲文會序

日星輝耀雲霞卷舒天之文也淵岳渟峙草木蕃華地之文也經  
傳馥郁子史菁英人之文也日星雲霞不能不麗乎天而博其觀  
淵岳草木不能不麗乎地而敷其美經傳子史不能不麗乎人而  
成其章文之有會也是萃諸人文而藪之也藪之而勿爲之栽培  
焉爲之灌溉焉將毋根之淺者葉莫茂膏之微者光莫華是猶天



欲文而晦於陰雨地欲文而燠於不毛也烏乎可今夫棄本而務末見小而昧大者人情也哉營營終日所謀不出身家有基之以振文教厚風俗則若耳之有瑱否亦河漢其言耳卒之小子後生日不覩詩書之澤耳不聞禮義之談言非行舛獲戾家邦非其才之爾殊殆其教之不先所務者末而所見者小也南溪乃吾鄉奧區汪氏爲南溪望族其山秀峙其水清激往往多慷慨名節之士今風俗漸若漓而或無文教以維持之有心世道者所當急起而任其事也汪生會渠嘗受業於余余故知其族多斯文值邑有加增應試儒童之議遂率族之同志剏立文會鼓舞方來合捐租若干助誦讀膏火試卷之費慮後事廢墮弗克終善將勤諸貞石以



垂久遠而請予序之余維生家大小二阮並以英妙翺遊洋林其  
他諸父昆季或爲國珍或爲邦彥靡不稟山川靈秀蔚爲人豪此  
志之無有不成而後之無有不善者也將見家敦禮義戶樂詩書  
父兄之教不肅而成子弟之學不勞而能居則善其俗出則善於  
世以視夫一身一家之計者其本末大小爲何如耶易曰觀乎天  
文以察時變觀乎人文以化成天下因時而興化斯人傑而地益  
靈也孰謂栽培灌溉之功而可已哉


龍飛嘉慶二年歲在丁巳秋七月中澣之吉

例授文林郎候選知縣前鄉進士錦城吳雲山頓首拜撰



贈祁閻宗君文亮賢竹林旋歸序

新安大家無數十枝而吾汪爲最盛子姓蕃衍或托處本州或轉徙外郡彼此不相知者動數百年由是途次邂逅間一目而已莫相別識其爲誰何是則雖名爲同家之親而與途人一也原厥由來蓋以族大人庶兼又昧於尊祖敬宗之義莫肯溯流窮源故不知何黨爲吾宗黨何人爲吾宗之人也祁之宗君亮與吾同爲大坂始祖中元公之後中元公四子韶石京敬敬居鱗溪石二子長麟幼輓輓遷婺源麟遷休甯西岸篤生五子長曰愛如父居三曰惟風字叔厚生宋祥符戊申天聖己巳因設教祁門仙桂鄉南溪口因家居焉後嗣三任工部主事積階大理左丞熙甯庚戌於居





之中村造祠堂以棲越國公之神歲時供祭又於南溪口架石橋一所亭一十五楹號南溪橋橋廟皆有詩歿葬越國公祠後實爲南溪宗君亮之始祖也族衍蕃大衣冠文物凡雲初振舉克求世德名望甲於祁閭是歲春正月亮偕厥姪輩遠來吾里謁先世塋墓序宗族名分宗祊恩意之周洽數百載猶一日也流連移日無何告歸意決駒不可維族子麟輩心知其不可留乃命工繪圖裝軸偕族之縉紳載酒餞別於鱗溪口之澣徵余序其事弟姪輩能吟者各以詩華其行予因謂自大宗小宗之法廢而親親睦族之道衰故能言其祖郊子之所以見稱不識其先籍談之所以貽笑近世以來達於睦族之義者幾何人斯今族君亮不遠數百里而



爲水木源本之來其厚於宗族卽所以厚於祖先也不允爲仁人  
孝子哉且亮學行優贍今補邑庠廩養弟子員嗣歲適大比秋高  
鵬搏萬里不察而可預知也自茲以往捷春闈對大廷馴躋臚仕  
移尊祖敬宗之義爲愛君許國之忠第其餘事也慎毋以余言爲  
謬是爲序

宏治癸亥孟春月望後八日宗生麟書

贈祁門宗兄汪文亮詩

祁之汪君文亮豪傑士也以宗祊過予里凡三宿卽告歸難於別  
者以詩贈之予因效頻勉一律以寓意云邂逅論心若故知那堪  
遠賦送行詩春風楊柳駒三繫夜月梅花酒一卮歸夢已隨流水



去宗情還與後時期河梁相別重相約並擬南畿得意詩

宏治癸亥孟春月望後八日宗生麟書

歲戊午入試南畿祁庠汪兄文亮訪予旅邸道其家世派出鱸溪  
遷於休之西岸再遷祁之南源惓惓有不忘本源之念予初未知  
其何如也既而雲嵐題

祖越國公墓所祠宇被火災郡主彭侯榜諭六邑支下子孫捐貲鼎  
割族子售實總其綱考其譜系知其爲實然癸亥春文亮與從子  
邦瓚邦璣尋源流遠至予鄉重本原也其別也因詩贈之以爲後  
會張本云君任祁聞我婺源南畿同試認同根尋根今涉鱸溪路  
考譜均爲越國孫山水村中留駿馬文章會上醉芳樽楓林相別




重相約來歲聯鑣沐帝恩

宏治癸亥春正月下澣宗人蓉峯汝榮書

宏治癸亥春以文會訪余未久言歸莫罄情懷敬撰俚語以餞以爲後會張本云君屬祁閩我婺源衣冠楚楚壯鴻川欣逢夜雨連床話笑坐春風醉酒樽宗黨本原應篤義斯文骨肉况畱恩欲知此去重相晤擬共排雲叩帝閭

宏治癸亥春正月下澣宗生汪昉書

文亮兄爲吾徽出類之士戊午歲始得識之今茲來山中敘故舊會同姓其用意尤厚者奈何君急告去斯文凡二十餘人因團酌餞君至三鼓而罷明日又僉謂元錫宜餞以詩詩





專道情不工於詞故拙文亮知予深者也其必有以諒此  
入試南畿戊午秋稠人眼底識荊州功名暫後君休問宗郤初交  
我重留寒日松軒團小酌春風梅路蕩輕裘離情一片隨君去不  
似青山雪易收

宏治癸亥春正月二十二日東峯汪元錫天啟識

送文亮賢宗還祁閭詩

祁閭英彥到鱗溪探本尋源細考稽莫訝宗支分彼此好將詩句  
誌東西千年祖德聲名在百世家乘姓字題謾道風雲雖未際定  
期平步上天梯

宏治癸亥春正月之吉星源鱗溪宗末祥書



五百年前共一家會時何少別時多論文自謂長留此判袂其如  
欲去何楊柳拖金明晝景梅花飛雪點寒波回頭莫謂雲霄遠雪  
案工夫要琢磨

宗生汪理書

送別鱗溪練水湄柳條柔弱不堪持三杯竹葉添行色一路梅花  
索詠詩越國譜同奚遠間荆州願識憾輕離預言後會應何日月  
殿秋高桂滿枝

宗生汪玩書

一識荆州喜不勝東風底事促歸程殘花細雨隨嚴駕疎柳斜煙  
縮別情來此幸酬宗誼重歸與又覺吝萌生斯文骨肉應難別忍  
聽陽關曲裏聲

宗生汪昂書

同坐春風不許時那堪此日遽低離天涯望望孤帆杳驛路迢迢



匹馬遲一卷文章經世策半肩行李故人詩相期共整升天翮連

翼飛飛到鳳池

宗生汪鐸書

長亭灑酒餞宗兄回首雲山不盡情殘雪壓梅腮展白修風入竹

眼舒青派傳越國宗支茂心究宣尼學術精此去來年膺大比黃

金榜上掇魁名

宗生汪鰲書



七保合塢山業會同清白文

立會同清白文人葉三卿汪富保等今因葉應其僉業十九都七保南源山塢土名黃家坡坪又塢猪毛塢猪源塢田坑口董木塢江桐塢炭灶塢高山培等處土名不盡開載共計三十三號葉執僉業汪執買受訐告在官蒙陳爺德化送至倪封君處息二家自思誼屬至戚不愿終訟憑親戚勸諭其山三十三號山頭廣大字號眾多其間或有未盡山塢兩家子姓難以查究憑中義處其山盡歸汪姓管業葉姓當得受銀貳佰兩正訖其山日後聽自汪姓照契文管業毋得再起爭端所有二家庄僕割草糞田毋得阻當亦毋得殘害苗木自立清白文書以後二家子姓永遠遵守如違





聽自遵文之人賚文告理今恐無憑立此會同文約一様二紙各

收一紙爲照

萬曆四十六年十一月初四日立會同文書人

葉三卿 葉德章 葉良因

葉天啟 葉天尚 葉天喬


葉天佳 葉天禎 葉道遇

葉應周 汪富保 汪萬元

汪應科 汪應制 汪應洋

汪耀祖 汪嘉遇 汪騰雲

汪應元 葉陽春





倪大有

倪思輝

中見親屬倪大諭


倪攀龍

倪思坤

倪宗仁書

又執帖

直隸徽州府祁門縣為懇恩抄招保塚杜患事據汪富約狀告前  
事詞稱承祖買受葉應其僉業山係十九都七保黃家坡畔父塢  
等處山叁拾叁號纍葬祖塋栽木節砍世代無異土豪葉陽春措





買身木未遂黨構合族一門七里着故鬼名葉三卿祖絕賣僉業  
 混爭舊四月告縣詳鞠情虧抗閃不結豪恃人眾勢復統羣兇葉  
 德章等反將身祖俊德僉業汪石波山木盜砍搬歸族人汪顯阻  
 論被盜殺死伊叔汪萬元山毫無干厯居池陽痛顯命危舊九月  
 萬元代姪訴冤控道批縣蒙陳爺驗契驗文委中處息立文遵身  
 世業乞准勅抄招永杜後患等情據此擬合就行爲此除抄招判  
 外合行帖給本告收執照証倘日後葉三卿戶眾違判生奸復行  
 騙害許本告執此招帖赴縣陳告以憑究治施行須至帖者


右帖給本告汪富約准此

萬曆四十七年八月 日給



又葉姓遵文

池州府貴池縣葉勝卿監生葉道生原祖遷居貴池遺有祖墳在  
祁於天啟六年間身等不知來歷誤告祁門朱翁臺下蒙委葉姓  
生員葉其綦等該都里老葉雲龍汪文等結報查得葉勝卿祖塚  
在五保土名寺坦頭與汪承祖所買七保葉應其僉業黃家坡等  
號並無葉勝卿祖墳勝卿秩下亦並無僉業山塲誤告判明在卷  
於天啟七年有族人不知來歷冒身名目告院批池後汪承祖汪  
富保二詞告院俱併徽府祁門判結附卷今身親到十九都七保  
查勘委無身家祖墳又無故祖僉業山塲憑中立文勝卿族下子  
子孫孫再不得生情捏告汪姓如違聽汪執文遵卷恐後無憑立





此為照

崇禎貳年六月十五日立文約人

葉勝卿

葉道生

中見人葉貴龍

馮世賓

曹梅芳

葉德繼

王志和

又遵結

道光十五年與葉姓互控全卷不及備載

具還遵依人汪鈞今於

與遵依事緣

生

等以強放累公等情控葉孟

林即發榮一案今沐犀訊斷令十九都七保土名黃家坡等處山

場飭

生

等照萬曆四十六年倪鄉宦給林祖葉三卿等銀貳百兩



該山盡歸<sup>生</sup>祖照舊執管又有崇禎二年葉姓遵文則林呈萬歷  
四十七年給帖不足爲憑沐恩塗銷附卷所有福田碣水應潤土  
名里槐段老墪之內稅田林私墾墪外洲地不請陞科姑念無知  
從寬免議俟大造押請詳報嗣後林再不得強放福田碣水以滋  
多端如違倍加究罪<sup>生</sup>遵恩斷所具遵依是實  
道光十五年九月二十三日具還遵依人監生汪鈞  
具還切結人葉發榮今於

與切結事實結得緣監生汪鈞等以強放  
累公等事<sup>生</sup>互控一案蒙恩訊明黃家坡等山場照崇禎二年遵  
文斷令汪姓全業土名福田碣水斷令准放墪內之田不准放墪



外之田嗣後葉姓不得混爭山塲田水如違倍罪

生遵恩斷所具


切結是實

道光十五年九月二十三日具切結監生葉發榮

鄭坑杲公墳山案卷

民國三年為鄭坑墳山與楓坑陳姓交涉自訴訟及中人理處始末紀畧

杲公鄭坑墳山東邊一百十六號計山二十七畝三角一百十七號計山二畝居中壠一百十八號計山十八畝茂杲公墳塋即葬在十七十八兩號之間向來收管苗木分東西二培亦屬十八畝山之內其一百十九號山四畝則在庄屋外邊進坑之口盡頭處





有葉姓老墳山業與我無干及至西邊一百念號計山十五畝一  
百念一號計山三十四畝以上五號均係我祖於明季萬曆天啟  
崇禎及清康熙年間陸續買自曹陳葉王各姓湊成全業該山土  
名統名鄭坑與陳連坑據經理所載契文間有載名葉川住後鷄  
冠石下松樹降黃金培等皆鄭坑之小土名自嘉道咸以來祖人  
因此墳山被附近之馬口楓坑人侵佔懇種構訟非止一次迭蒙  
前縣判斷禁止在案民國三年楓坑人陳神茂又在西邊一百二  
十號土名陳連坑卽鄭坑十五畝界內砍鋤熟地一片安排興種  
茶料將佈種苞蘆矣清明標墳眾秩丁入山邏見適陳神茂在山  
挖地因將陳神茂帶至庄屋擬卽送縣時有江喜茂爲之求情囑



其託中調處逾日陳神茂託出約內葉秀林馬口人汪錦林上汪村人鄔振成鄔家人卽本都公正副諸中來村云楓坑陳姓於咸豐年間買有葉達友子孫契一紙共山三號一百十六一百廿一百廿一三號原爲葉達友季成丈業計得山六十畝內一百廿號應得十畝似與盜種不同我家將出買契與中人驗看中人豁然明瞭知陳姓所買顯係重複自應遵先屈後明萬歷至清咸豐相距貳百餘年勸令陳神茂止種遵照道咸年間結訟原案並扯旗封山安墳了事及登山安墳又查出楓坑人在一百十六一百二十一兩號山內均種有茶菘遞年歸陳有福祀收租因邀請諸中至楓坑詰問其當事人陳福春海水等伊云所買葉姓山三號收



稅三錢有零或是重複不能管業當俟伊向葉姓交涉將山稅退  
回免受虛供之累求我緩任一步以其言之近理也姑允之葉達  
友係低嶺人咸豐初年馬口人在該山懇種苞蘆猶執經理承丈  
人名目唆動低嶺人與我構訟經縣憲判令禁止知此山經乃祖  
賣絕不能管業故於結訟之後騙楓坑人買其山并將虛供三錢  
多稅隨山扒與陳姓供解陳姓實受其愚弄殊不足惜乃陳神茂  
受其族人之挾制故違中人之勸處在該山佈種苞蘆六月間爲  
我祀秩下知覺因齊集務本堂訂立合文籌畫經費約期登山毀  
苗先行達知原中過數日後不見中人答復知無可轉圜不得已  
聚秩丁自十六歲以上六十歲以下均入山將陳神茂之苞蘆掃



毀一空又以陳福春等逾數月之久遲不答復明係有心抵抗以  
求緩爲罷兵之計復於七月間聚秧丁先至一百廿一號山內將  
撥陳海水之茶茶海水無奈何遂加託王爲邦王步雲王雲樹箬  
坑人葉用三馬山人葉發五保地保及諸原中來村仍執契稅爲  
憑欲照管葉達友名目之業牢不可破我家賣出印契稅單與中  
人驗明且我祀所買達友季成等丈業其先由葉姓賣與曹王等  
姓我祀又買自曹王等姓之手已輾轉變易數主矣我買在陳姓  
之先二百餘年尤爲確據諸中人念陳姓旣受人愚茶菽亦已成  
材毀之可惜惟勸我祀寬容陳姓應向我祀承租往返數次陳姓  
終不甘心遂赴縣提起訴訟初遞一詞知事趙公照會諸原中諭



令出爲查明理處諸中接到照會後於臘月邀集楓坑陳姓至務本堂當面允定所有在一百十六一百廿一兩號山內所種之茶料向我祀承租惟求從輕重以中人之情面難拂只得允其迭年交租金洋四元立承租約

我祀亦有出租約與他了事由諸中將查明理處情由具呈答復縣署銷案

次年正月又查出一百廿一號三十四畝山內楓坑先年曾出佃與江貞盛種茶料一片收租有年此山陳姓已無分藉其茶料且向我承租安得復收江貞盛之租因向江貞盛說明理由止其交楓坑之租轉向我祀承租迭年交租洋三元立有承租約一紙本祀亦立出租約與江貞盛



又一百二十號之山與祖墳較近既止陳神茂之種未便再行名佃因守墓庄僕江金茂無甚田地耕種出息微末再三相求欲在該山興種茶菽姑念其自家庄僕與他人不同爰指定就陳神茂所砍挖處准其種茶遞年交租金洋一元此破格相待將來辭屋不在應歸本祀收回並不准出頂與人該山餘地卽仰該庄僕栽植樹木歸其長養成材之日照主六力四分價立有承佃約一紙本祀亦立出佃約與江金茂

民國四年陰曆首夏月秩裔繹清謹識

本鄭坑墳山自嘉慶道光咸豐以來我祖人因此而與馬口低領人構訟非止一次被其拖累者屢矣惟時合邑苞蘆之禁甚嚴



雖經各前縣憲禁種下山其於山業判斷究是從畧故咸豐六  
年低領人於結訟判案之後猶以達友承丈名目山三號一百十  
六號廿畝一百廿號十畝一百廿一號三十畝計六十畝并以重稅三錢餘  
誦楓坑人承受而代供之蓋前此之許訟與楓坑人多有關係  
陳來陳喜壽等爲佃種人曾被杖責故亦易受編也此次山業自一百十  
六至一百廿一共山五號除一百十九號在外經諸中人磨勘契稅  
參考山圖先年中人陳印川先生與祖父靜菴公所繪於答復趙知事呈文  
中縷細詳明瞭如指掌後世子孫照此執管收租正業庶幾保  
祖保產而永息訟累也夫  
釋清又識

民國四年正月十八日汪姓呈詞陰歷三年十二月初四日



姓名

汪肇治

原

汪鳳棲

汪本章

汪長林

告

汪貴來

汪雙盛


被

陳海水

陳發春

告

陳金九





呈訴爲違判霸種故害疊侵懇 恩宥禁保祖保業事緣民祖茂  
杲公墳山坐落本都四保土名鄭坑陳蓮坑東西貳培係民祖於  
前明嘉靖萬厯及清康熙年間陸續契買葉曹陳王各姓全業葬  
公祖支祖壘以向栽植松杉蓄養蔭木數百年來厯管無異偶  
於嘉慶道光年間被附近之楓坑人陳來陳喜壽及葉文熙葉罕  
哉陳天寶等盜砍盜種經 民族訴控屢蒙前縣訊明將來與喜壽  
天寶等杖責止種並沐 晏前縣判令該處各號山塲永禁墾種  
取具遵結各在案有卷可稽乃楓坑人梟謀未已矚山落在伊肘  
便於侵害今又有陳海水陳發春陳金九等及其族人突將 民族  
應管各號山塲復行墾種苞蘆栽植茶荪年年鋤挖故傷祖墳 民



等觸目慘心屢次託中王佐才公正副鄔振成等勘明山界畝數  
理論不保似此叠次侵害累世貽殃民族距墳數里之遠防不勝  
防阻不勝阻勢逼情迫為特一面抄粘 晏前縣判詞并陳天寶  
等遵結呈叩

廳長台前俯賜矜全賞差提拘陳海水等究懲禁止符前案而杜  
後患保祖塋而存業產所有民族買山赤契稅單俟臨訊時呈  
核急切上稟

證人 王佐才 葉秀林 葉光鑑 汪錦林

王步雲 王云樹 鄔振成公正副

證物抄呈 晏前縣判詞并陳天寶等遵結共一紙 契據候呈



謹將道光二十六年九月二十一日  
晏前縣判詞并取具陳  
天寶遵結呈

核

午堂訊得生員汪焱圭等呈稱葉罕哉等盜墾傷塚等情一案  
查土名鄭坑山等號山塲既經照各執據爲憑自應仍行照舊  
各管各業毋庸置議惟鋤種苞蘆久干例禁乃葉罕哉等輒敢  
違例開種殊屬非是而生員葉文熙旣不能阻種於未控之先  
復出名具呈於已控之後咎亦難辭本應按照原呈指控人名  
究處姑寬着將葉罕哉陳天寶各予掌責以儆斷令葉罕哉陳  
天寶等自後不但汪焱圭等祖墳山內不能越種卽該處各號



山場永禁墾種苞蘆如違提究取具止種切結并遵依完案此

判

具還遵結陳天寶今於與遵結事實結得汪焱主控身盜墾違

種苞蘆沐恩訊明論身自後雜庄不得再種身心甘服所具

遵結是實

附卷

廿三日

祁門縣趙行政官廳批

汪肇治等批 爾果係祖遺之山確有印契可憑陳海水等豈能

無因佔墾並不繪圖呈僅抄遠年堂諭何足為憑一面之詞恐



有不實不盡是否託中勘明向理不係應諭飭原中王佐才等  
查理覆奪

廿六日諭

祁門縣知事趙 爲諭飭事本年一月十八日據西鄉十九都倫  
坑公民汪肇治汪鳳棲汪本章汪長林汪貴來汪雙盛狀稱緣民  
祖茂杲公墳山坐落本都四保土名鄭坑陳連坑東西貳培係民  
祖於前明嘉靖萬厯及清康熙年間陸續契買葉曹陳王各姓全  
業葬公祖支祖壘以向栽植杉松蓄養蔭木數百年來厯管無  
異偶於嘉慶道光年間被附近之楓坑人陳來陳喜壽及葉文熙  
葉罕哉陳天寶等盜砍盜種經民族訴控屢蒙前縣訊明將來與



喜壽天寶等杖責止種並沐晏前縣判令該處各號山塲永禁墾種取具遵結各在案有卷可稽乃楓坑人梟謀未已矚山落在伊肘便於侵害今又有陳海水陳發春陳金九等及其族人突將民族應管各號山塲復行墾種苞蘆栽植茶葉年年鋤挖故害祖墳民等觸目慘心屢次托中王佐才公正副鄔振成等勘明山界畝數理論不保爲特抄粘晏前縣判詞并天寶等遵結呈叩提究等情並抄粘到縣據此除批示外合行諭飭諭到該原中等立即遵照刻日查明汪肇治等所控各號山塲妥爲查明理處息事據寔稟覆以憑察奪勿延切切此諭

右諭

王佐才

葉秀林

葉光鑑

汪錦林



王步雲

鄔振成

三月八日中人理處後覆詞

具呈西鄉十九都公民王佐才葉秀林葉光鑑汪錦林王步雲王雲樹鄔振成地保王觀發等稟爲遵諭查處雙方平息據情稟

覆事竊佐才等接奉本年一月二十六日

諭開本年一月十八日據西鄉十九都倫坑公民汪肇治等狀稱緣民祖茂杲公墳山坐落本都四保土名鄭坑陳連坑東西二培以下文詞與前諭同至以憑察奪勿延切切此諭等因諭飭前來查汪姓契買本都四保鄭坑陳連坑東西貳培墳山共山五號據經理所載糜字一百十七一百十八兩號土名鄭坑俗名鄭坑住



後又名鷄冠石松樹降共山二十畝汪茂杲公墳塋及眾支祖墳  
塋實葬在此蔭木葱蔚保管無異其一百十六號土名鄭坑俗名  
雞冠石下山二十七畝三角界在東培一百二十號土名陳連坑  
卽鄭坑又名雞冠石下葉川住後山十五畝一百二十一號土名  
鄭阮亦名陳連阮又名葉川住後山三十四畝界在西培原係葉  
達友葉貴成葉功應等各目丈業從中葉達友一名於一百十六  
號二十七畝三角內得山二十畝一百二十號十五畝內得山十  
畝一百二十一號三十四畝內得山三十畝餘爲貴成功應所有  
達貴等子孫先旣賣與他姓輾轉變遷中經數易汪姓則於前明  
嘉靖萬曆及清康熙年間陸續買自葉曹陳王各姓以保祖者也



連前一百十七一百十八共山五號買契十紙印驗明確計山九十六畝三角收稅二十餘畝亦屬相符遞因墾種構訟判禁屬實近來楓坑陳姓復在一百二十號一百十六號及一百二十一號山內墾種苞蘆茶菘前經汪姓賣出印契稅票佐才等居中向陳姓理論據陳姓答稱該一百二十一一百十六三號山內葉達友名目丈業六十畝亦曾買有契據收有稅糧但核其買契年間則在咸豐十一年距汪姓買自明季清初者已後二百餘年因思經理爲元朝丈山舊物所載承丈業主人名代遠年湮時移事易其子孫不知先人情事者多執舊業以相爭或爲重複之交易故管業當以契據爲憑而契據又必以先後爲斷也該兩



造所買鄭坑山業汪先而陳後當然重複之誤第其時遽難解決致起訟端茲奉前因遵卽邀集兩造重爲勸處幸汪姓不願終訟尚能寬以相容陳姓自受人愚亦屬情有可諒該山除西邊之一百二十號陳連坑卽鄭坑山十五畝與汪姓祖墳切近未便侵墾理應止種外其東培之一百十六號土名鄭坑卽鷄冠石下西培之一百二十一號土名鄭坑亦名陳連坑又名葉川在後該二號山距墳稍遠所有陳姓已栽茶蔴成材不毀從權處令陳姓應向汪姓承租迭年交納山租銀幣四元互立出佃承佃約爲據至陳姓在該二號山內已葬有墳許留禁步以保之勸汪姓姑不深較惟以後不得故意侵害汪姓墳塋復加墾葬如是調處並皆甘服



免訟累而歸於好爲特將處息情由據實覆請

廳長察奪賞准銷案 批示祇遵爲便謹稟

計呈遵結二紙

趙行政官廳批

既據理明處息准予銷案遵結二紙附

三月八日遞乞恩詞

楓坑人承租之後立有承租約擬將租約呈請蓋印

具稟汪肇治汪鳳棲汪本章汪長林汪貴來汪雙盛抱呈張榮稟  
爲遵諭憑中處息謹呈租約請 印發還執管事緣 民等前以違  
判霸種故害叠侵等情呈控楓坑陳海水陳發春卽福春等一案  
當奉





批示祇遵擬卽檢契繪圖補呈 犀鑒適原中王佐才等接奉諭

飭查處因復出爲勸阻並經勘明本都四保土名鄭坑陳連坑東

西二培山業經理爲糜字一百十六一百十七一百十八一百二

十一百二十一共山五號計九十六畝三角內中又分雞冠石下

松樹降鄭坑住後葉川住後各小土名民祖先後買契十紙印尾

明確糧稅相符復於民國二年十二月二十四日遵章印驗自契

字玖百捌玖號賣主葉香一契起至九百九八號賣主葉時進一

契止均屬該山確憑當有印契可查至陳姓於一百十六一百二

十一百二十一三號山內雖咸豐十一年買有葉達友丈業六十

畝其實達友早經變賣如民祖萬曆二十七年買受曹天祿兄弟



一百二十號土名陳連坑卽鄭坑一契契文載明係故祖買受葉  
遠友貴成業是由葉而賣於曹由曹而轉於民祖卽其明證其他  
之輾轉變易可知矣當未經呈訴以前諸中固已明瞭知陳姓誤  
於重複奈陳海水等刁猾異常狡謀不測民等以祖墳關係未敢  
隱忍貽殃茲旣爲息訟免爭起見自應聽諸原中提平裁決俾民  
等得保祖而保業嗣後再無侵越佔害情事又何必爲毛疵之吹  
求徒貽訟累爲特將經中查處息事原由并陳有福祀福春等承  
租約一紙呈請

廳長鑒察並懇將租約  
賞給蓋印發還民管執管感激上稟  
趙行政官廳批



此案已據原中王佐才等理明取具該兩造遵結請息業經批  
示准予銷案所呈租約蓋印仍應由原中呈送未便兩歧着卽  
知照租字揭還

再將租約由原中呈送蓋印迭詞

四月廿四日

西鄉十九都公民王佐才等

呈爲遵諭呈送事緣前經汪肇治等爲鄭坑墳山訴控楓坑陳

海水等一案經民等查明理處據情呈覆沐批准予銷案在案

嗣據汪肇治等以陳姓承租佃約乞請

鈐印以昭保守等情奉批諭令應由原中呈送茲據知照前來

在汪姓原爲保守主權起見理合代爲呈請



鈞處准將汪肇治等前呈陳福春等承租佃約

賞予 鈐印發還以昭信守而遏訟源實爲德便再原呈租約一

紙現尙存檔俟 鈐印後由汪姓領回合併聲明謹呈

趙行政官廳批

查租約呈請蓋印實屬奇聞前批以未由處息原中呈請恐屬  
兩歧並非已准若此開端租約皆能蓋印不勝其煩亦非鄭重  
印信之道仍難照准姑准立案租字發還收執可也

楓坑陳有福祀承租約

立承租字人楓坑陳有福公祀秩下福春等今承到

倫坑汪杲公秩下山二號坐落本都四保一百十六號土名鄭坑





又名鷄冠石下計山二十七畝三角又一百二十一號土名鄭坑  
又名葉川在後計山三十四畝前山二號四至照依經理是身一  
併承種蓄養茶料花利遞年五月初一交納租金洋四元正不得  
短少自承之後兩無異言恐口無憑立此承租約為據

丙批該山二號身祖於咸豐十一年買受山業五十畝契稅確  
實今經中查明買契先後之身等已葬之墳除羅圈禁步之  
外其餘承租又照

民國三年臘月二十日立承租字人陳有福祀秩下福春等押

景源筆押

中見人 王為邦押 葉用三押 汪錦林押



葉秀林押

鄔振成押

王步雲押

王雲瑞押

葉觀發押

本祀出租約

立出佃山約人倫坑汪杲公祀秩下汪物正丙奴集福等今將本祀契買山二號坐落本都四保糜字一百十六號土名鄭坑卽雞冠石下計山二十七畝三角又號一百二十一號土名鄭坑卽葉川住後計山三十四畝前山二號四至照依經理出佃與楓坑陳有福祀福春等前去興種茶荇花利迭年議交租金洋四元儘期五月初一日交納毋得逾期短少拖欠如違聽憑另行召佃無得異言恐口無憑立此出佃約爲據



再批該山毘連之一百十七一百十八等號界內係身祖塋毋得侵害及故意鋤種砍伐蔭木

又批該山陳姓先年已葬之墳許留羅圈禁步

又批遞年五月初一日由本祀首人到楓坑收租當款以餐點

民國三年陰曆十二月二十日


立出佃山約人汪杲公祀秩下物正押

丙奴押 集福押

經中 王為邦押 葉用三押 汪錦林押

葉秀林押 鄔振成押 王步雲押

王雲瑞押 葉觀發押





鄭坑江貞盛承租約 江貞盛在一百二十一號三十四畝山界內種有茶蔴從

前係向楓坑陳有福祀承租四年查明與之理論改向本祀承租

立承租茶蔴約人江貞盛今承到

倫坑汪茂杲公祀名下本都四保糜字一百二十一號土名陳連坑卽鄭坑山西培又名葉川住後其山東至馬彎坳路西至田南至一百二十號陳連坑山當灣心直下至田北至鷄冠石下及尖計山三十四畝是身在該山四至之內佃種茶蔴花利一片議定遞年交納租金洋三元正儘立夏日交楚不得短少拖欠如違聽憑山主止種毋得異言恐口無憑立此承租約爲據

再批該山四至之內所有楓坑陳姓栽種之茶蔴由陳姓交納



租金與身無涉惟身承租之租金係指現時成熟之茶蔴估價

以後不得越界加種

又該山之茶蔴日後不得私自出頂與人如違聽憑山主將茶

蔴止種取消

民國四年正月十五日

立承租約人江貞盛押子代

男新意筆

本祀出租約

立出佃約倫坑汪茂杲公秩下物正丙奴集福等今將本都四保

全前承約至三十四畝四至之內除陳有福祀秩丁陳福春等所種

茶蔴既經向本祀承租外仍山一片立約出租與江貞盛前去興



種茶栽以下全前

再批該山四至內所有楓坑陳有福祀秩丁陳福春等栽種之  
茶栽由陳姓交納本祀租金與本佃無涉惟此租金之數目係  
指現時成熟者估值以後不得擅行加種


又批同前

民國四年正月十五日

立出租約人汪茂杲祀秩下物正押 丙奴押 集福押

江金茂承租一百二十號約一百二十號名鄭坑卽陳連坑在  
西邊與墳山切近原議不當開種因被陳神茂砍鋤一次

毀苞蘆苗此種在此 一時難以成材姑念江金茂爲守墓莊僕別無





出息遂破格允准其開種熟地一片不得侵及墳林其餘之山  
以栽插苗木爲重

立承約人江金茂今承到

倫坑汪茂杲公祀名下莊基屋居住并承租本都四保土名鄭坑  
山西培卽陳連坑係糜字一百二十號四至之內指撥熟地一片


歸身興種茶蔴花利當面議定遞年交納租洋一元正儘立夏日

交楚不得短少拖欠其非熟地之山及與墳林切近當栽插苗木

日後成材照主六力四均分所有茂杲公墳塋及在山苗木身當

永遠看管謹防外人侵害亦毋得監守自盜恐口無憑立此承約

爲據





再批其茶料與苗木力全不得私自出頂與他人身異日辭

屋不住當歸山主自行管理毋得藉口強霸

再批本莊屋應盡事務照舊例遵行

民國四年二月十八日 立承租約人江金茂押

代筆人 江集成押

### 本祀出佃約

立出佃約人倫坑汪茂杲公祀秩下物正等今將本都四保土名  
鄭坑山西培卽陳連坑係糜字一百二十號四至之內指撥熟地  
一片出承與本莊江金茂前去興種茶料花利當面議定遞年交  
納山租洋一元正儘期夏日交楚以下全前 再批同前



又批本祀一切事務當照舊服從

民國四年二月二十八日

立出租約人汪茂杲公秩下物正押 丙奴押

集福押

按鄭坑杲公墳山自經先父釋清公於民國三四年間經手辦理訟爭經中理處重行確定山業後百餘年糾縈至此始告一大結束自是迭年清明節標墳之日則將所收山租照秩丁在祠內吃胙并由祀內特賞釋清公胙亥大秤五兩永遠頒給以示酬功而爲紀念因該山關係祖塋極大故將此次最近案卷及租約錄入譜牒以與七保山塲與葉姓合文同一重視而垂

永久云

思桓謹識



八十四代文學有源公純孝傳

先生姓汪氏諱有源少泉其別號也爲邑增廣生余弱冠時初不識所謂先生者因從先君赴郡歲試遇先生於道先君命余前揖之曰此汪某先生也當稱爲伯予因知先生蓋父執云然自是濶焉不相見久之先生遂卒每憶其嚴氣正性不苟訾不苟笑眞足爲後世師範尙未知其內行之茂也國學汪君天敘嘗從先生門下沐教最深思所以傳先生者狀其行實徵言於予予披覽其畧不禁肅然起敬曰始吾以先生爲文學中人也今乃知其爲孝行中人也先生父大安公舌耕於外自幼隨侍遠近不離讀課之暇愉愉婉容趨庭恪謹輒爲同學所欽母王孺人卧病極力醫藥弗




痊多方祈禱願以身代自此不敢外出嘿讀書於榻側侍起居者三年計無復之乃潛操刃割股以進不使母與外人聞知天憐其孝孺人翼日乃瘳非至性過人能若是乎居父母喪三年未嘗一見齒出宿於外不入內室伯叔宗族咸嘉嘆之以爲有大連少連之風遇忌日哭必哀歲時伏臘必躬詣墓所子孫欲代之不可曰竭力以事親古之訓也死生以之此豈汝曹所能代者行年至七十不少倦嗚呼可謂純孝矣余觀世之人未能孝於親見有矯矯立奇節者輒訾議之以爲不必如是於是有人以普藥爲疎節以操一羹一黍拜奠墓下爲細行者矣而况能忍痛以延親之生平聞先生之風其亦可少愧矣

年通家眷姪吳書升拜撰



八十四代太學宗泗公新遷坂上記

自公劉遷幽有觀其陰陽相其流泉之說於是欲長子孫昌厥後者無不擇地而居徵之人事往往而驗是人傑由於地靈也信矣汪君天敘家南源溯其先自六十一世祖惟風公由休邑西岸徙而居之地著於此蓋二十餘世矣隔溪數武有坂上焉逶迤寬平可容千餘家相其地脈蜿蜒扶輿磅礴而鬱積其靈淑所鍾較南源殆有加焉明季有仕周公者嘗顧而樂之曰吾子孫有才識者當分遷乎此以大吾族越今數百年而君乃其十世孫遠承先志謀之涇邑張玉光先生決擇而徙居焉張乃爲之審方定位揆日作室中構堂寢以奉其先冠婚喪祭之所聚也兩旁治居舍各三





楹外爲厨房庖湏之所居然別開一大局面令弟有鄰與族之欲  
振家聲者多望此而托足行見蘭桂森森比屋而居者若鱗次焉  
抑且列檠戟容駟馬繩武亢宗爲祁閭望族早自今日卜之譬諸  
花卉萃於一區不過盈區而止及其愈分愈植又加栽培椒聊蕃  
衍當有什伯於今者矣余嘉汪君立基伊始將於舊有光也因爲  
之記


乾隆三十九年歲次甲午秋七月

年通家教弟吳書升拜撰



太學宗泗公傳畧

吾鄉汪君天敘世居南源父致公蚤喪嫡母陳生母方守志撫孤  
內教嚴肅天敘暨弟有隣幼業儒應童子試累負文名天敘慷慨  
有大志敦孝友崇節義慎交遊重然諾每於筆硯間齒及古烈士  
夫事蹟如駕輕車就熟路津津不置欲尙友其爲人年三十商遊  
蘇鎮經震澤越京口厯覽名山大川襟懷練達胸中見識卓然有  
以自異見義必爲利害不苟爲人謀有終始通家子弟關切更摯  
不以成敗異視其正言以格非捐貲以成美者所在多有孟子曰  
富貴不能淫貧賤不能移威武不能屈迹其措履殆無愧云且夫  
世有非常之人而後有非常之事有非常之事而後有非常之功





非常者固常人所震驚危疑而不克仔肩者也吾邑舉大事必羣  
籲經首乾隆二十八年邑侯吳奉檄修城天敘應召總局董理凡  
經營度支以身任之無纖毫苟且眾大推服邠邑南下十里舊有  
閘壩蓄水濟商挾私者倡毀水道大改閘門石峽水陡船客之載  
胥及溺者歲不勝計天敘憫之銳志議復與好義洪陳胡謝諸君  
子謀雖有成畫然功程浩繁人懷觀望天敘慨然倡首大輸費賴  
以斂壩賴以成迄今行旅忻然有安瀾之慶無滅頂之凶者誰之  
德也他如厯口集福蔣村渡雲各礮及路所爲積歲月傾囊橐疲  
心力更未遑屈指數矣然此猶其才畧之眾著者也夫人固有才  
氣縱橫智畧度越返而求諸彝常根本之地稍有遺憾世故則優



天倫抱歎識者病之天敘之事二節母也深愛至敬孝兼以順數  
十年如一日焉卽境遇有拂必怡色柔聲委曲膝前以解母憂其  
未遊太學時常語人曰母節弗能顯人子之罪也可若何乾隆三  
十六年

皇太后萬壽詔舉節孝鄉人稔母節事實呈縣請旌

命下建坊褒獎雙節乙未坊成建亭其下捐租煮茶永濟行人此  
非其本親親而推及民物與至兄弟析產任弟擇所便視姪猶子  
姪孫猶孫豈猶第五倫所謂不能無私者乎南源里東名曰坂上  
地局宏敞厥祖講仕周者屬子孫遷居未果天敘遍尋宅兆妥祖  
之後卜築於斯昫昫原隰轉瞬而成村落事另有記其爲人之克



孝克友有猷有爲又何如也余居壤幸接少以兄事天敘仰其志  
行有古烈丈夫風欲爲立傳垂世愧人微筆陋迺約紀其畧以俟  
名公鉅卿樂道人善者采焉

乾隆乙未歲秋八月之吉

通家愚弟王啟蘭頓首拜撰

太學宗泗公紀畧

府君諱宗泗字天敘生於康熙己亥年七月初一日寅時卒於乾  
隆癸卯年十月廿五日申時享年六十有五府君之卒也不孝德  
樹自饒遄歸倉卒哀痛不知所爲未遑綜述行事以告當世之仁  
人君子顧念府君一生辛苦力行上爲祖宗下爲子孫旁爲宗族



交遊鄉里卓卓有可道者日引月長恐就湮沒不彰是則不孝之  
大罪也爰彙大畧識之容端庶幾後世子孫瞻其儀象并得稔其  
行事云府君生九歲而孤大母陳方兩孺人守節自勵撫育成人  
比長師事孝廉葉介純先生族兄少泉先生攻舉子業有能文聲  
既以家務殷繁棄舉業而營生往來大江左右子母相權動輒得  
意業遂以隆巳復居廬邑中日用經費取給焉府君少年勇於爲  
人不自顧藉凡鄉邑有大利害輒爲興除之乾隆戊辰年舉行畝  
總胥吏因緣爲奸害將無窮府君慨然念斯害之被及一邑也爰  
率二三同志力爲告脫其事遂寢學宮龍門泮池置不得宜彤家  
屢易未協府君以謂學宮關一邑文風出所學以相方度向修舉



割設遂成巨觀自此連科報捷人咸頌之歷口爲徽池孔道山河  
漲迅向有木橋不時傾壞行者苦之府君倡造石橋往來稱便念  
少泉先生之積學未享其名也每欲闡之而未由會婺邑宗老徵  
修族譜府君喜曰此可以壽先生矣因爲作傳附刻於譜復爲輸  
租於祠以備祭祀焉其他爲人釋患難解紛亂不可勝紀蓋府君  
負義氣有擔當爲人倚重歲己卯鄉有滯訟獄在於郡波及府君  
維時郡守不仁欲以府君爲根而株連不已府君默識其意直理  
壯氣激昂動天竟令毒無所施事遂得已此一役也保全無辜不  
知凡幾嗚呼歲寒然後知松柏凡人平居綢繆恩好篤厚遇事周  
庇此順而易耳至以身當乳虎而蔽汎也之無辜非其心存於仁



行軌於義而能外視形骸鮮有及此者自大父早喪祖棺多在淺  
土府君念爲人子不可以不知地因取堪輿家書無所不讀又復  
踏遍山頭不避寒暑盡得安葬痛母氏之節必欲表揚果逮大母  
之存而得奉

旨雙旌樹坊村口邨口故通衢步履不絕遂於坊下建蓋亭屋設  
立茶湯以濟行人其殆孝思之錫類耶嗚呼府君年未耄老而所  
行上爲祖先旁爲鄉邑利害大計如此雖無以爲子孫計其所陰  
庇於子孫者豈淺鮮哉况復衣食安居經畫久遠舉人所累世難  
成者而府君易之亦其才力有過人者耶府君性勤儉嗜學典籍  
因立崇文會割腴田十餘畝以充子孫讀書入庠膏火嗚呼此亦



足以教後人矣元配嫡母葉氏繼室陳氏副室范氏鄭氏鄭氏先

府君二年卒女一陳出男三德澍范出娶陳氏德滋德坊並鄭出未

娶其分遷派系暨所置貲產別具家乘茲不列德澍所紀者持括

其大端可以為後世法並令孝子賢孫得所據以表於墓云爾

皇清乾隆四十九年歲次甲辰季冬月不孝男德澍百拜謹識

賜進士出身

勅授文林郎即選知縣安徽甯國府敬亭書院山長年家眷教弟謝文

濤頓首拜填諱

士庶皆念為人子不可不映此因即舉與寒書無忍不歸又

行碑以美而論及厥遷葬於此其日大父早牙痛林為



德星公分關序

人必從勤勞辛苦中來然後足以光前於無既裕後於無窮不集  
翁先生上承祖父駿烈而更能擴大其事業下爲子孫貽謀而更  
能籌畫其規模推而兄弟手足亦無不爲之調護使之生順而死  
安可不謂之備極勤勞辛苦之至歟今先生花甲已週將至杖國  
欲以家事鬪付諸郎君囑余序其生平以貽於後余因以所知者  
弁於分關之首先先生承祖父業田不過數畝屋不過三間以至菜  
圃園林之類亦未克充其取給至於今廣置田疇則已駕古來一  
夫之業而加倍也遷基坂上則又越古來五畝之宅而有增也菜  
圃之廣園林之繁亦見其取給而有餘也以此思之苟非克自勤



勞何以至此而仍不自以爲能猶殷殷於祖父兄弟子孫之不倦  
性喜地理善卜筮窆祖父積棺於乾隆己卯辛巳之歲安妥其祖  
父母焉於乾隆甲辰戊申之歲安妥其父母焉而且友愛手足葬  
次兄德普於牛欄山之陽跡其籌畫盡善不知幾費精神豈非勤  
勞中而又加辛苦耶夫縷述現在之行而不知將來之爲則猶不  
足盡先生勤勞辛苦之心先生訓子有方延師訪道始終不惰而  
仍欲置買田產以爲子孫讀書應試之計更足以知先生之勤勞  
辛苦至老而不怠也先生四子皆亭亭人望而先生亦每勤勞辛  
苦爲四子訓若者業賈若者業農若者習舉子業雖次子造承次  
兄德普之祧必令相愛無詠闕墻是先生旣以勤勞辛苦勵於前



又以勤勞辛苦惕於後也所置田若干屋若干菜圃園林若干又有吉穴厝基若干除眾存外編彙孝悌忠信字號各執一券使子孫世守無爭誠哉勤勞辛苦足以上光祖父下裕子孫也先生諸郎君能遵先生之命無羞隕越亦余之所逆而知矣是爲序

時

乾隆五十四年歲在己酉孟夏清和之吉

錦城通家侍教弟胡昌邁拜撰并書

又敘

大凡人之懈惰者處己常若有餘而人之勤敏者居身常如不足蓋彼視身世事一無所繫故可爲可不爲而不禁其寬然此視身



世事一無可諉故必爲無不爲而不勝其惶然夫視可爲可不爲亦安望其有成哉雖在必爲無不爲亦無日自見其成而旁觀之人則已共覩其成也此凡爲事類然而居家立業其尤著集賢汪翁同產有五而行居三其先人盛德祖業不多受室後卽各分析以自食其力而翁勤敏倍至數十年來續置田山地坦若干建買新舊房屋若干又營葬先人墳墓若干所育四男一女婚嫁各成諸孫林立三四二子令習舉子業優禮師儒數十年無闕二子雖未成名然文章俱有法度可觀一鳴驚人應已在卽惜翁之不及見也總計一生食用經費浩繁而業猶隆隆起天下事未有可坐而獲者則翁之辛勤勞瘁有不俟言而知也翁之三子廷相向從



余遊知翁頗悉歲己酉余復館於翁族時若之家塾與翁比鄰朝夕過從杯酒談心見翁猶復各務關心錢穀出入席不暇煖余因勸謂年近古稀諸子成立正當謝事頤養優游而猶然掌握不亦勞乎翁曰唯唯舊歲已分爨矣蓋因一家男婦大小垂三十餘口朝夕饗飧炊煮爲難而嘈雜尤甚姑令各食至於業產不卽分析者蓋亦有故余雖有粗屋數重然將來人漸蕃衍居住不敷則仍欲營構也雖置薄田數畝然聚則見盈分則見乏况公項標祀未立非爲有餘則仍欲增產也此皆余一身之事恐一分析遂至無所統率耳然自今亦請如先生之言矣嗚呼亦可見翁之視事無可諉而常如不足之心矣隨設簿五本將所置各業總計條分或



存或扒麤舉其畧未及竟事而遽作古人不亦惜哉喪既畢其嗣君以謂新穀將升當各便於坐管爰舉翁之所麤列者而詳晰之遵所設簿眾存一本爲總簿將所設條例開載其中餘各執一本爲分關其分關簿則及翁存時胡君蘇長已序之而此則翁歿後廷相所請以畢其說也胡君卽翁四子載南所從遊者蓋均屬通家之好云

龍飛乾隆五十四年歲次己酉六月吉日

勅授修職佐郎歲進士卽選儒學訓導通家眷教弟陳說頓首拜撰并

書

德星公文會序



文開北斗春到南天瞻日月之光煥然聖人在位詮辰星之次巍  
乎帝德臨垣上以窺夫奎壁之宿麟麟炳炳下以毓夫人龍之盛  
郁郁烺烺金馬玉堂原非盡歸華屋紫泥黃榜誰云獨斬下茅伊  
何爲與必有故焉聞之救三萬六千之劫唯文昌之衡命甚殷因  
思現一十七世之身獨梓潼之教人爲謹以故遺金於子者咸知  
金不如經博學於文者尤期文以經世駟馬大門閭自古曾有徵  
矣五枝芳桂萼於今詎不然乎南溪集翁余之東道主也雖置身  
於貿易恍乎澤以文章唯教子於詩書常欲深乎道藝接前人之  
駿烈構肄業之所於行謹堂前冀後人之爲儒奉帝君之像於清  
遠樓上一片誠心知通九天司祿萬年奉祝應開奕世祥符所以



文事之衰也一人敗之雖博古能文不免歎馮唐之易老文事之  
盛也一人倡之苟潛心考業何必愁李廣之難封爰置租三十爲  
後世文章之用特拜獻花朝立千秋福祿之基從此拜黃麻膺紫  
綬繼繼承承縣縣翼翼當必天保定爾罄無不宜矣是爲序時乾  
隆五十三年歲在戊申二月朔日錦城蘇長氏胡昌邁頓首拜撰  
并書

又序

嘗統觀前史而見開國之君首重文教者其運祚必昌且永卽近  
而徵之世家望族凡人文鼎盛科甲聯縣類皆崇文重學先有以  
大其規模而不然者反是是何也蓋文章者經國之大業不朽之



盛事人而有志於此其精神意氣實有以默誘而啟之者也集賢  
汪翁辛勤立業諸事未遑而於家塾之清遠閣建立文昌之神以  
祀之因以禮拜之餘設爲文會割腴田十餘畝歲供祭事餘卽以  
充秩下子孫讀書膏火暨應大小試盤費以垂永久事至美也獨  
念翁以艱難勞瘁積贖餘貲不聞其爲一身少侈其服御而獨急  
急以爲文會計其規模氣象要亦恢然大也是殆有以默誘其精  
神而將大啟其後歟吾知人文丕振科甲聯翩皆於此有以券之  
矣或曰文昌爲司祿之神又曰文昌卽廣嗣之仙則此會之設而  
子姓蕃衍福祿駢臻吾又烏知其限量也乎

怡軒陳說拜撰并書



登仕佐郎槐三公六十序文

蓋聞福者德之驗壽者福之徵天地生人有是德始有是福有是福始有是壽夫固報應不爽也如吾親家壽翁槐老者幼而岐嶷堪承家學無不足長而貧乏欲讀父書而未能由是棄儒就商始以治生爲業不習貨殖之傳而精於盈絀之理因之家計漸裕作室則美輪奐置產則連阡陌而身亦援例報捐以無負乎習舉子業之初志焉其奮發有爲不可謂不傑矣而吾所以異壽翁者則不在是吾與令姪景商者同窻好友而景商其堂姪也晤對時談及親翁言之最悉故知之獨詳其爲人也好恭儉慎言語沈靜寡慾從無妄求夫恭儉美德也儉可助廉而恭可以益壽言語心聲



也多則招尤而慎則可成德况沈靜者壽之基寡慾者壽之本無所妄求則心神清泰寤寐暢適而壽算由斯永矣然而有是德有是壽而福或未全尤未足爲異也而我親翁則有克家之令嗣三人焉精於會計會立業於秋浦之衢其生財蓋有道也而又皆納粟報効矣令愛二長適環砂程宅其小者則吾之幼子道堯室也迄於今諸孫林立蘭桂盈庭謂非吾壽翁之福德所致夫孰能有是哉至於公心直道親族皆知由是貴族之眾事無不賴翁維持料理是又出其德之緒餘以爲光前裕後之計吾亦何必爲之贅也今者介壽之期已近吾不佞不能以繁詞靡語上侑霞觴謹爲敘其生平梗概并性情心術之微而質以言之以徵福德報應之



未艾也是為序

少今皆

皇清道光五年春月吉旦

賜進士出身

勅授文林郎歷任河南汝甯府正陽縣汝州魯山縣知縣媼家眷侍教


生鄭繩祖頓首拜撰

王邑侯額蕪巖公澹臺高風題語

清來明經篤學慎行鄉居教授絕跡公門余初承乏祁閭即耳其

賢聲而莫由一晤至乙酉奉檄修志閭邑舉為經理諸君子在局

者或去或來獨明經一力肩成三年匪懈時捐項無多賴多方構





節得以竣事志成不肯載名其見義之明行義之勇而又不欲居  
功如此余嘗論澹臺氏之風規不有合歟余既贈有玉粹金昭藹然  
誼若是以視澹臺氏之風規不有合歟余既贈有玉粹金昭藹然  
儒者規行矩步卓爾古人聯句復書以美之

道光七年仲冬之月

知祁門縣事 中州愚翁 王讓 拜題

明經薌巖公六十序文

乙酉之冬僕將北征祁邑有程文學千里者詣敝廬而訪焉云敝  
邑有修乘之役吾友汪薌巖明經盛稱先生謂可以秉直筆坐臯  
比者莫如先生今合邑虛席以待僕惶愧不敢受命而念明經異



地神交知己盛意不可負也明年遂改北轅而南之既至祁與明  
經朝夕見古貌蒼顏渾金璞玉胸無城府披膽露肝以此知其行  
之誠間與討古今得失論當世利弊條理井然冰鑑不爽以此知  
其識之明其在志局權衡人物心秤悉平毛羽不生於所親瘡痍  
不成於所惡僕與和衷共濟如山鳴而谷應也如操匙以勘鑰也  
如八音繁會長短高下間有不同而同歸於克諧也一月四課書  
院院中鑿山構堂規模宏敞甲於諸邦明代舊基誰新其宇僉曰  
明經兼董理之志局設於崇聖祠祠中棟宇完固墻壁整堅鳩工  
庀材誰司其職僉又曰明經實左右之於是知明經以邑事如家  
事而勤而不倦也座有洪子明廣文者起曰先生知明經勤於公



事而未知其勤於家政也其先曾大母以節孝著得建坊表明經  
母氏以節孝著明經請於有司亦得建坊表自念幼孤賴母以十  
指鞠育之恩有以報之不得與人言淚輒泫然下故居廬之日  
毀瘠骨立又以王父嘗教誨之及長事之甚恭閨門之中極和且  
敬見之如賓渚口吳古壘先生者邴之篤學君子也明經往師事  
之學行日益進終身垂念師恩執心喪焉後教授厯口二十餘年  
教法一遵師範成就甚眾在宗族鄉黨排難解紛不吝囊橐不肖  
子有敗行聞履聲輒避去人比之魯仲連王彥方云僕惟天之報  
施善人如探囊取物苦節之後子孫必昌諫果回甘寒梅先發物  
理然也况明經之令德孝恭恩明誼美功德著於桑梓教澤被於



門墻者耶子長三珠之樹孫皆千里之駒自天佑之吉无不利永  
錫難老降福無疆宜矣是歲九月爲明經週甲之期其長嗣文學  
誦芬從僕遊欲得僕文以佐觴爵僕以兩載深交且喜誦芬能文  
章有父風故弗以不敏辭而爲之序

道光丁亥秋九月主講東山書院丹盟教弟桂超萬頓首拜撰

湯谷佩之兩先生遷屋基里記

自來以遷徙成名者大都跋履山川披墾草萊乃始得聚廬託處  
求其一再遷徙初不出一里許而亦卜云其吉攸居得所予竊喜  
於湯谷佩之兩先生見之先生上祖諱惟風公字叔厚始居南源  
世有積德王考諱德星公字集賢由南源構室本境坂上顯考諱



可述公字宗古於乾隆戊申年分居於此數十年來瓜還縣陔桐  
又生枝後嗣漸繁先生志在再徙因別求基址惟見屋基里局面  
一開且與祖居甚近遂欲於此家焉爰請奇峯進士鄭翼堂先生  
諱繩祖者爲之校正翼堂先生於堪輿獨得其秘謂屋基里水繞  
砂環峯巒拱峙此殆惟天惟祖宗所畱貽以待後之人者果于時  
處處將來可成一名村汪氏之益昌且大其由此始乎維時先生  
長兄藝林共聞慙慙亦怡然樂從其事相地拓基先謀築室功未  
告竣而藝林先生已作古人道光己丑湯谷佩之兩先生是經是  
程又營室焉旣山壑之胥赴復培植之有方遂率姪延瑚由坂上  
遷屋基里回視南源坂上曾不出一里而又得一吉宅由是壽考



康彊子孫百福承承繼繼傳於無窮是世之遷徙者往往舍其舊而新是謀若先生則不必有離舊之感自獲圖新之慶也爰不辭而爲之記

道光二十九年歲次己酉孟秋月

石潭宗生澤新頓首拜撰

南源屋基里八景記

昔讀桃花源及愚溪盤谷諸序記愛其邱壑窈窕水石清幽境地之佳雖令摩誥善畫有難盡繪其美者惜山川修阻未獲親覩其勝辛未秋適有客自南源來者言南源之西墅山水奇異地不當孔道距余村三十餘里可朝往而夕至也遂偕客往觀焉始至境



見山石犖确煙樹迷離峽窄不得路初疑客言爲妄旣而憑高西  
望雲連山斷有徑屈曲可入徑無車轍馬跡及行李往來惟牧童  
樵叟熙熙然行歌互答有瀟灑塵外意余始竒之入二三里許豁  
然開朗中有廬舍田園左右古木修篁蒼翠可掬高下竒峯怪石  
形狀難名又有旋流蕩碧岸柳垂青與土壁荆扉相掩映居人不  
習外事或耕於野或釣於溪或誦讀於山齋四時禽鳥聲遙與書  
聲相應余益竒之自以南源勝境盡在余目中矣將乘興詠歸客  
曰君以是爲觀止乎少頃冰輪西上秋水澄清上下天光雙溪一  
色有洲分二水月印三潭之勝盍少待以盡南源之美余聞而愈  
竒之覺前賢所記名勝無過是焉昔汪君柏山佩之二先生吾鄉



高士也性好山水遍搜奇異愛幽靜卜居此地有年矣山川精華積久必發一時人文蔚起諸子弟秉璠璣之秀皆弱冠領袖膠庠異日掇巍科拖朱紫其聲名顯揚於世固理有必然者以是知人傑地靈之語古人誠不余欺也時二公已故其哲嗣明經致遠茂才騰若揖余而言曰山深地僻有辱遊觀中有八景請一寓目可乎余曰然於是復與探奇覽勝益徘徊留之不能去竊嘆茲地奇崛不產於通都大邑而產於荒陬僻壤之區周王馬足所不到謝公屐齒所未經非得柏翁昆仲創始築室於前致遠諸先生接踵記異於後安知茲地不埋沒於荒煙蔓草中哉乃知地以人傳多藉名流以留其跡人同地顯皆賴鍾毓以發其祥余因記此以慶



人地之盛焉是夜諸君邀余宿其家翦燭話舊縱酒聯吟請余賦  
詩以垂諸久遠因不辭譎陋漫賦八律於後以紀勝云

會池雙溪印月

南源二水潑洄交流峽口湛若琉璃清宵月曉雙溪一色

有三潭印月之勝

尋花問柳訪幽棲步入南源勝宛溪碧澗分流泉響細冰輪交映  
月痕低光涵淺瀨明如玉影印澄潭白似圭倘遇謫仙邀對飲徘徊  
迴應不辨東西

萬木籠煙

環宅崇岡四合林木蒼翠昏曉煙籠淡濃數變惟黃山雲



彭蠡煙可方此奇幻

羣山遶郭樹參天雨霽園林帶曉煙濃上枝頭流翡翠淡橫葉底  
擘春絲綠陰合處琴書潤青靄開時夕照鮮游覽幽居多勝事任

教摩詰畫難傳

溪邊垂釣

峽口有釣磯傍多花柳細綠團紅與絲竿篔簹笠相映釣者  
如坐圖畫中佳境固不盡在奇異也

曾游濠上散襟期偶把修竿向水湄飛鳥楚花隨餌落輕風吹柳  
傍綸垂思鱸張翰歸何晚罷釣淮陰悔已遲好是桐廬江岸叟放  
懷高遠俗難羈



隴上看耕

茶昔讀儲王田家詩愛其逼真農家情趣未經目覩爲快今

人星落從隴上觀之勝讀儲王詩矣

東郊蒲杏靄春暉水漲芳田浸稻肥五畝濃陰鶯乍囀一犁疏雨  
燕初飛花憐牧豎紅隨犢草戀耕人綠繞衣日暮棲鳥啼遠樹行  
歌好趣月明歸

石崖曲徑

由峽口進塢地不當孔道巉崖高峙徑曲如羊腸中有廬  
舍田園車馬冠蓋不一至真靜境也

巉巖清曉吐晴光覽勝應教謝屐忙仄徑穿雲高鳥道幽蹊繞坂



曲羊腸環山石瀨聲聲細夾岸松花點點香游罷日斜添逸興樵歌牧笛響村傍

古老高峯


宅南有古峯居南極老人星之位朝弄雲霧夕探星斗里

中極一奇觀

一峯南峙碧摩天太古風留萬仞巔紀歷曾經唐日月封書誰載漢山川松枯似積崑崙雪石峭如撐華嶽蓮欲訪奇踪何處是老人星落彩雲邊

茶園積翠

對宅有橫岡拖至峽口名茶園隴春夏竹木葱蘢空翠欲





滴境地之幽游覽者以爲美


花落殘紅碧草鮮  
茶園風景正芳妍  
青深龍井含朝雨  
翠壓鴉山帶晚煙  
夾道松陰濃  
滴滴環溪竹影淡  
娟娟好奇謝客如過此  
應羨幽棲又一天

柳岸垂青對以觀而深良林不實以園林香以飽而

隨峽口入溪源  
兩岸植柳綠條拂水翠黛拖煙有高士五

大柳之風

閒携柑酒聽啼鶯  
柳色青青滿引情  
雨霽長堤新黛翠  
風迴曲岸舞腰輕  
清朝嬈嬈含煙細  
薄暮絲絲掛月明  
遍覽幽芳何最勝  
綠陰中隱讀書聲





同治十年歲在辛未仲秋之吉

桃源陳正心靜菴氏題

太學石和公六十序文

懿夫圖銜龜甲呈飛星入昴之祥書演龍威探靈寶長生之秘麟  
鳳每遊於郊野性以曠而彌貞桂椒不實於園林香以幽而更遠  
端木稱聖門達士韓愈爲國子司成上庠優禮乎老更九十日有  
秩泰元式增乎神筭八千歲爲春斯則壽世陶元無假攝生於四  
印福衢頤慶允宜介祉於九如者矣恭惟我封翁鐵山先生龍山  
峻閎錦里清才縹緲留芹藻之香藝苑挺桂蘭之秀椿庭獨步喜



風靜於中年荆樹三枝愛日長於大被雖薛家之美原可齒於競  
秀同芳而馬氏之良終不若鬚之超羣絕倫也茲以歲星在卯之  
期正先生週甲之誕豪門戩穀輒憑翰墨而兕觥貴客稱觴聊飭  
文詞爲羔鴈惜乎蠡懷莫測乎大海廷見奚發乎洪鐘多祝維三  
疇原演九蓋以先生有不可及者六而有可羨者三焉當夫束髮  
受書一目而數行並下揮毫落紙寸晷而雙札齊工卜珣管之生  
花視青衿如拾芥先生則顧瞻薪水改轍江湖一以紓俗累於高  
堂一以寄硯田於仲氏此其不可及者一也及其鉛槧初拋未暇  
恥寄人籬下權衡屢中誰復合舍我馳驅先生則肉感豫州筆投  
定遠果其夷吾致富尺寸無憑范蠡成名寶珠重載此其不可及



者二也既之魚鹽跡人車馬途衝秋浦居奇北海之高朋滿座辟  
雍觀政東坡則季弟聯鑣蘭譜而契重琴堂數難更僕薦蘿之遠  
招轍迹書落雙魚先生則無一刺輕投肯隨驥尾終覺爾音空谷  
羞覓猪肝此其不可及者三也然其揮霍性成風流自賞陳無已  
閉門覓句魯仲連排難解紛四百八十寺樓臺幾人隻眼三萬六  
千場世界瞥見二毛先生則萬慮無心一杯在手延陵掛劍重九  
鼎於一言管鮑分金鄙錙銖而多與此其不可及者四也爾其堂  
構相承門閭大啟樓成花萼媿百尺於元龍棟接松雲羨雙棲於  
海燕先生則推肥受瘠夢懷春草於惠連沐雨櫛風重新夏屋於  
杜甫此其不可及者五也乃其買山有癖營兆情殷啟牛眠馬鬣



之墟古也感傷心於修墓酌玉尺丹砂之善今豈惜重趼於奔波  
顧慮新封念宣聖之合防葬匪圖生塚似文子之升瑕邱先生則  
金土桂薪但願詩之卜云其吉肉陵酒海不惜易之雖小有言此  
其不可及者六也若夫人力有可盡天事不可知漆園之盆鼓恒  
多槩孟之案眉難再何幸鹿車共挽鴻業同勩樂羣婢之優容得  
中饋之有主同日籌添海屋獻西池王母之桃他年酒進華筵飲  
南谷甘泉之菊此其可羨者一也且也青鳥傳書紫芝獻瑞蓬萊  
島上值羣仙高會之時泮水池邊進千佛名經之報輝聯橋梓佳  
兒則衣錦歸來美濟竹林乃弟已奪標相待此其可羨者二也况  
夫黃花秋澹桂樹冬榮紫芝不見清癯黑鬢豈惟矍鑠膝前點額



聊以解頤座上撚鬚居然過腹心廣果然體胖慾盡自爾神怡此  
其可羨者三也瑞等叨列蒸房折俎之旁願效鞠脰希鞞之敬願  
諸君善禱競誇有脊而有倫詎鄙人不文未克以南而以雅當日  
侯芭入室慙無竒字之投今茲毛遂登堂不忌錐囊之薦紀事者  
在紀其實相知者貴相知心邵子稱安樂先生白公爲廣大教主  
詩人之賦麗以則慚非黃絹幼婦之受辛君子有酒旨且多聊當  
絳縣老人之紀亥云爾

皇清道光癸卯年秋月吉日拔貢朝考二等現任廬州府廬江縣教諭  
卓異卽選知縣世愚姪陳之瑞頓首拜譔

又詩八首



弇姁掃却俗情蠲風骨錚匕侶鐵然信具熱心疲亦樂直全生理  
老彌堅元龍湖海稀今世紫鷲文章起後賢甲子花週諸福集詩  
筒郵寄說長年

姁教弟鄭采廷頓首拜

襟懷磊落倍精神濬水祁西一偉人經濟每於城市展英才早赴  
壁池掄爲消商賈詩書氣共賦儒林翰墨春題和芳名爭爛熳花  
箋叠叠滿堂新

池陽教弟陳鳳樓頓首拜

仁智垂輝有特鍾如翁真可亢吾宗本根庇處人依玉光寵邀來  
老是龍耳順應聽鳴鹿賦眉齊共看彩衣從於今織錦還添錦祝



我家耆福履重

可堂汪澤新頓首拜

大慶初週六十年籌添海屋宴華筵一經課子花生筆百福書臻

心是田眉案有供琴有韻金樽常對月常圓芹香昨伴賢郎采更

喜蟾枝折眼前


一年愚姪吳榮圭頓首拜

不特生成意氣同本源同派學同宮客中醉酒公招我座上吟詩

我祝公

頻年携我走江湖如此交情世路無除却平安論患難不分平彼

不分吾





最工書法最能吟不似魚監買賣人絕妙風流逢幾箇想來端木  
是前身

生來不肯乞閑身兩字功名認得真底事忙忙天不負好風吹滿

一家春

末韻袁子才舊句

宗愚弟文緯頓首拜

又祝四十初度詩四首

擬祝難於道性真如君共處十餘春生成豪氣難撓挫養到虛心  
易屈伸事大無憂渾似我利微不計好看人倘思強仕登皇路怎  
與阿儂作德鄰

卅年匹馬走風塵嘗盡人間甘與辛少絕俗緣占定力老游江海



伏精神輸過紅紫三春色贏得青藍一角巾從古倉天應有意公然肯負苦心人

自甘繩結富詩書志在男兒上學初子好豈嫌田地少爺賢不慮教門疎閨中更識傳衣切姑側分來畫字餘寄語二難當自奮狀元應亦出茅廬

看主先看客可知主人豪傑客如之杯中笑語文光射壁上花箋姓字奇未仕期儕觴進早改官媼姪郵來遲愧儂強派三千侶濟濟華筵淡淡詩

世愚姪陳之瑞頓首拜



登仕佐郎佩之公暨德配倪孺人六旬雙壽序文

大凡爲壽文以傳其人者必親見其人之立德立功立言以成不朽之事業然後爲之文以壽之無論在朝之公卿大夫可以壽人  
可以壽世者信其壽之必得卽在野之農工商賈可以壽一身可  
以壽一家者亦信其壽之由來今祁閩汪君佩翁嗣越國之名公  
爲南溪之望族余生平未至其地未炙其人則其人之事業可以  
不朽與否無從而知之亦何由爲之文以壽其人哉乃有玉堂倪  
兄係余舊交炳公之哲嗣卽余未面佩翁之賢倩也今春館於昌  
南與余旅館相近朝夕過從每以詩文相質證敘次間念及岳父  
母小春時節花甲雙週誼親牛子何可無一言以佐其觴爰囑余



爲序以壽之因詢其生平之爲人始知其早歲艱辛中年成立今  
克恢宏前業不惟大慰先靈而延師課子早與玉堂壻同年舉茂  
才功雖未及於天下而已先立於一家得不謂之立功乎且爲人  
言不妄發發必當理居鄉黨而理祀事一二之言不啻鑿於金石  
其言亦已立矣至於事親孝事兄悌和宗睦族事事周詳及夙究  
堪輿先人永賴其立德指不勝屈矣又聞淑配倪孺人相夫子主  
中饋孝翁姑和妯娌慎言辭其婦德婦功婦言適與佩翁相匹配  
固宜其雙雙偕老身其康彊子孫其逢吉者也今秋與閩門諸君  
子遊皆言佩翁夫婦之爲人其超出尋常奚啻萬萬因以知玉堂  
之言爲不虛而益信佩翁之壽爲悠久由杖鄉以至於杖國杖朝



其休徵又豈有艾哉茲當小陽之月正值雙壽之期爲此春酒以  
介眉壽蹉蹉濟濟賢倩在其中也爰序數言以爲岡陵之頌其不  
朽之壽亦與立德立功立言同稱不朽也猗歟休哉可勝序哉

龍飛道光二十有五年歲在乙巳孟冬之月穀旦  
欽授國子監典籍議敘加一級鄉愚弟陳兆信頓首拜譔

愚子壻倪人瑞頓首拜祝

文學玉山公五十序文

士君子立身制行所以卓卓不同於流俗者初非必期異於人也  
小而日用事物大而綱常名教雖猶是倫類周旋之中而其性純  
其行偉其守嚴則不異之中實大有異若吾玉山賢棣台先生者



非其人與吾弟尊人薌巖先生吳古壘老夫子門下高弟也品學兼優才能出眾故吾翁生平學問節概得力於庭訓者居多予觀其事父母嘗得老人歡伯仲之間怡怡如也書曰惟孝友于兄弟吾弟有焉夫有敦篤之性者未必具果敢之才吾弟剛方正直有古人風在平居則恂恂及一旦臨大事能肩任之絕不畏首畏尾君子知其過人者遠矣若夫非義之利一毫不顧孰明夫消息盈虛之理微察夫存亡得失之幾凡有取與無不擇之精而處之當其諸所謂砥厲廉隅者乎己亥予偶寓東山書院與吾弟聚一堂因與樂晨夕談道藝而於課誨子姪之餘輒引前賢菽粟布帛之言擊節稱賞乃知其德日進業日新崇實黜華初不屑沾沾於章



句而已也夫古人神交予何敢望今人標榜亦不欲同茲當大衍  
之辰惟是舉其性之純行之偉守之嚴卓卓照人耳目吾弟之不  
異而異者率筆書之且以知由耆而老而耄皆可預決也以是爲  
吾弟壽

大清道光二十年歲在壬申困敦月在終臯中澣之吉

通家侍教生倪昭楫頓首拜撰

己酉冬值修家譜花甲將週自嘲一律

六旬方度半紛馳空負心期欲悔遲細事頻催家政雜任情輕率  
路途歧無緣黃卷憐今日有味青燈憶昔時倘願書香勤克紹壯  
懷猶或有人知



玉山存潔

例貢生秉和公五十序文

自來修德者獲報澤厚者致祥非果藉是以求福田利益也惟盡其在己以結乎天心而天之不可必者要自有可必焉予於汪君秉和觀之益信君業商聰明過人每於職業得閒之時樂觀四子書尤樂觀岳鄂王傳憶鄂王當有宋高宗時精忠報國後之人於其立心制行一一著之於傳其書誠爲有益性情有功名教而君獨酷嗜之再三玩索且能舉其巔末以與人詳說然則君之立心制行亦從可想見矣方君之居家也孝友性成敬宗收族恂恂然無以異於人也至在貨殖場中億則屢中實有端木氏遺風而要



其取與則一介不苟其交友則耐久如初予於商賈間閱人多矣  
所稱有猷有爲有守者尤以君爲之冠甲申年君例入成均辛卯  
年又新建寶厦述而兼創產業漸豐足爲宗族交遊光寵而君之  
志顧不以是而遂已也每念家學淵源務使書香克紹義方訓子  
寓慈於嚴尤復厚其脯資延師督課所以長令嗣年當弱冠卽見  
賞於督學使者季大人已有聲庠序間而次令嗣賦性淳謹委筆  
超羣凡在里中前輩亦知游泮不遠君誠可謂家有雙珠矣而君  
之好善者日益堅古處是敦始終不輟想亦得力於所玩索者深  
與後弗之增固宜操券而獲是歲之十月適爲舉觴稱慶之期諸  
君子推予爲文以侑之遂謹書之以爲君壽



昔

龍飛道光貳拾捌年歲次戊申孟冬月穀旦

賜進士出身

勅授文林郎前任山東省東昌府清平縣知縣主講東山書院通家愚

弟徐大綸頓首拜撰


太學振和公五十序文

新安好山水風流不乏世家唐代垂智仁後裔尤多直隱值小春

之令節祝大衍之良辰洪惟先生秀鍾福地祥發南溪骨節珊珊

仰童顏之漸老襟期落落美好事之堪傳難兄方丕著鴻猷難弟

洵克偕鴈序是惟觀天而德星已聚以故破浪亦小阮堪欽想夫





哲人雜商賈之中寄意在塵埃之外名高梓里仲謀之後嗣彌佳  
望重池陽端木之遺風如昨在當年入學弗慚太學迄今日知非  
却已無非金玉流其音人歌秩秩圭璋表其度已特溫溫逸興堪  
娛高懷最曠固御李者所同欣亦瞻韓者所深慕今夫松柏之具  
堅心也當思有以妥乎先芝蘭之幸競秀也尤宜有以啟乎後惟  
先生則力培厚德時遇休徵卜吉而地獲牛眠方擬陶家之兆課  
讀而毛推鳳美如遺韋氏之經案畔齊眉允矣堦前快意蟠桃並  
蒂誠哉玉樹添花而且人稱壽酒方在詩禮庭中尤幸天賜孫枝  
正到棠槐蔭下茲也念麗澤之是占情久殷於慕藺緬高山之宛  
在意更切於攀嵇性海無波洵是繩其祖武心田有穀何非貽厥



孫謀快覩鳩杖居家愧乏鴻文製錦請浮太白用表寸丹值此際  
人推知命心已洗於四十有九年祝他時壽屆期頤算更週夫三  
萬六千日

龍飛道光貳拾柒年歲在強圉協洽陽月穀旦拔貢朝考二等現任廬  
州府廬江縣教諭卓異卽選知縣世愚姪陳之瑞頓首拜撰

明經靜菴封君七十壽序

壬午冬蒞篆祁門下車伊始欲得一二端方之士以贊治僉曰汪  
老封翁賢余耳其名久之第恐有其人矣而著作未必爲士林鑒  
賞有其文矣而行誼又未必爲當世推崇不謂文行兼優如封翁  
者公論斷難相掩余每欲一見而無由今年夏催科錦里忽晤倪



榮桂生筱谷卽封翁之甥也因道及封翁之德乃倪生忽憶封翁今冬七十壽乞余一言以佐觴余不敏顧心儀封翁之文行敢以固陋辭封翁天資穎異兒時隨太封翁廬居山林囂塵弗及家無儋石苦學僅有斷菴迨童試屢列前茅蜚聲黌序人皆謂破壁飛去爲親族交遊光寵矣乃壯歲不售天特老其才以開後學之淵源故祁閭廩膳生員半出封翁門下如著制藝以授童蒙輯見聞以補逸志文章之表著不待煩言至於嚴事高堂友于同氣數十年無間言雖雁序分飛仍眷眷猶子爲之宜室宜家推之戚族皆賴其解紛祖祀嘗因而創立即郭氏之學受於鯉庭而卜吉安先竟成先人未成之志且擇地以葬故師入山而標孤墓其隱德亦孰從



而知者嘗見文行有餘而經濟或不足者封翁則揆幾度務無不  
 裕如方粵匪猖獗諸軍門之居徽池者未稔路徑封翁乃審祁門  
 石埭接壤山川繪圖以進由是官軍之克賊瞭若指掌諸軍門器  
 重之爭聘為記室封翁以太孺人在堂不敢遠離辭是封翁之有  
 經濟而不自顯非徒文行兼優也迄今齊眉見鴻案之風傳家有  
 象賢之器令嗣鏡涵先生由學博而領壬午科鄉薦固分內事也  
 則掇高第任魏官不在指顧間乎况繞膝蘭孫錐將脫穎閣潭第  
 祿維以永年詩曰瑟彼玉瓚黃流在中可為封翁詠矣而封翁望  
 並泰山算高北斗行看

榮封疊沐純嘏無期何待余言之哉



龍飛光緒十年歲次甲申季冬月之中浣穀旦

欽加同知銜

特授建平縣知縣調署祁門縣事愚弟崇福頓首拜譔

愚外甥倪


登繙  
殿紳

同頓首拜祝

又詩三首

南源佳氣鬱葱葱毓此康疆鶴髮翁與蔡季通傳世學為朱元晦  
續儒風少勤黃卷留全著老任青山任屢空靜以延年仁者壽丹  
方不待註參同

騰酒筵開八秩樽鴻光白首喜同存鄉科共重經傳子家學相承  
秀茁孫黍附苔岑陪講席多栽桃李聚師門一枝欣染名山筆為





記趨

朝杖國恩

教小弟汪光烈頓首拜稿

靜菴宗長先生暨

德配江老安人同開八袞壽筵烈愧無寸絲為賀既成七律二章

以壽之而意有未盡更撰長句以達鄙忱


嘉平之月月幾望仰望南極輝星垣此瑞應從何處萃福由德致

推南源靜菴先生開八袞儕輩安得無壽言嘏祝浮辭不足道文

宜質實毋紛繁先生家世雅儒素舍光葆曜安邱園書香奕葉相

接武和氣穆穆如春溫禮讓相先閭里式士林同仰山崑崙少年

奪幟文壇上俯視流輩氣欲吞啟迪後進開絳帳金鉞不惜細重





論英才濟濟脫穎出手植桃李皆盈門驥子脫羈通桂籍足躡月  
窟攀天根家慶方興仍未艾亭亭玉立誇蘭孫斯時舞綵堂前拜  
齊眉鴻孟雙椿萱先生矍鑠掀髯笑爲述平生水有源持躬誠篤  
無矯飾待人坦易撤籬藩十年以長許兄事交誼忘形蒙降尊枌  
榆相隔居不遠時常過從敘寒暄惠及先人安馬鬣寸衷銘感君  
麓墳獨惜仲氏蚤辭世每念式好泪潺湲鰥生總角蒙知遇磋切  
惟承古誼敦今亦皤然老已至百無一就嘗艱屯摳衣來祝彭鏹  
算愧乏牽羊載酒樽但願先生膺福祿期頤平格沐

天恩

教小第光烈再稿

又和原韻四首



人事天時兩變遷追隨函丈記當年常將陰隲培心上栽得芝蘭

繞膝前學繼眉山貽厥後名登桂籍獨開先

翁族自遷居以來經鋤世守令似子治兄領壬午鄉薦獨

創先聲論者咸謂翁盛德所致然門祚之昌正未有艾也

籌添此日從心欲貞吉幽人履道平束身名

教植綱常一畝書田灌溉忙桃李門牆歸樂育

翁授徒四十餘年開導後學法本先正及門諸子或

采芹或食餼無歲無之一時傳為盛事

松筠節操歷風霜臨財不苟躬猶儉

翁自言生平分外錢不會苟取一文

分內錢不會濫用一文

應詔交推讓未遑

光緒紀元詔舉孝廉方正闔邑交口推薦翁乃謙讓不就士論高之

從此期願欣

舉案丹砂井裏水流香

受業子壻葉蘭芬頓首拜稿

擇處嘗從仁里遷

舅父從外祖遷居屋基里顏其堂曰擇仁

塵囂不染樂天年羨翁矍鑠

居林下有客賡歌滿席前詩禮家聲曾裕後科名子嗣獨爭先古



稀原是尋常事長享遐齡道履平性順天然理順常不貪利祿有

何忙清操品格梅和月淡泊行藏菊傲霜人抱鴻修名獨卻

光緒  
紀元

詔舉孝廉方正闔  
邑交推翁力辭之

宏開馬帳教無遑薪傳後學推先覺又見芝蘭接辦

香

愚外甥倪殿紳頓首拜稿

附七十述懷二首

駸駸歲序易推遷花甲週時又十年自愧無才難立業差堪有子  
可光前本來節儉嘗垂後覓得山川已妥先但願合家安樂過從  
茲坦道履平平

行吾素位守吾常不願他歧枉費忙一塊硯田耕歲月半間十屋



蔽風霜嘗因善病身難健總恨多譽省未遑太息暮年編簡廢幸  
教孫子繼書香

靜菴軼羣

太學生可鉞公八十序文

嘗讀孔子之言曰仁者壽此以理言之也而修短之數卽存乎其  
間焉蓋仁者存心忠厚足以養氣體於康強仁者接物和平可以  
弭外來之疵厲吾於南源可鉞宗翁見之矣翁生平安居閭里幼  
勤本業事堂上得其歡心待昆季怡怡藹藹式好無尤在宗族中  
每存遜讓能忍人之所不能忍容人之所不能容從未嘗有忿懣  
爭競之事族人興立文會捐膏腴以贊成之自奉極其質樸一介



不以取諸人至於卜筮爻以安祖考則竭誠盡慎不吝重貲購牛  
眠地斯能重本以承先者歟四十歲以前生二子未育四十以後  
連育二子長子命之習舉子業隆師重傅有儒者風次子教以治  
生蕃生八孫森森玉立而翁年登八十精神依然矍鑠長子國學  
生次子登仕佐郎孫廷賓入邑文庠仁厚之留貽將方興而未  
有艾也余與哲嗣醴泉交遊習熟因悉翁之爲人如是爰敘其梗概  
以當壽言

舜溪宗晚生光烈頓首拜撰

巖孫公六十壽序

嘗觀周易三百八十四爻皆以陽剛爲君子陰柔爲小人蓋謂剛



者其心必公不肯存忮害之見剛者其言必直不欲爲唯諾之辭  
此三德所以首正直三益所以貴直諒也今於吾宗巖孫先生見  
之矣先生幼卽豁達天懷坦白鄉先輩早決爲偉器長而列膠庠  
膺鐸職立身行己之際無不本聖賢忠恕之道而毫無自私自利  
於其間封翁義山老先生棄養時囑以培植文教先生卽與哲弟  
奉遺命捐膏腴若干畝爲合族敬敷文會倡又捐田若干畝爲本  
支繩武文會倡其他濟人利物如此類者不勝枚舉嗣後以團練  
保護鄉里功蒙會文正公薦歷任池州府訓導涇縣五河縣教諭  
所入廉俸脩脯朋友或以窘急告隨手應之不稍吝惜重然諾敦  
氣誼一時有置驛通賓之聲督誨二子皆入黌序解任歸里囊無



餘積度支時至不繼而先生好施自若也爲鄉黨排難解紛必侃侃直言待卑幼尤嚴峻人或畏憚之凡都邑事艱鉅毅然任之不稍依違待人樸誠容或因過於厚取累先生一笑置之然不害其爲剛直也余與先生交最久嘗同患難共出處知之最深今歲元春先生六旬初度思所以侑觴余不習爲華靡推譽之詞舉其生平行誼之大者效古人贈言以爲壽

光緒十年歲次甲申春王月  
前署當塗縣訓導舜溪宗弟光烈拜撰

又詩一首



巖孫宗兄六旬眉壽既贈序言而意有未罄復爲五言排律二十韻錄呈郢政

生日逢人日佳辰卽誕辰擬將眉壽介正值歲華新宗誼推兄事  
交情見性真熱腸常拯困雅量愛留賓記附苔岑末同當象勺旬  
我方歌泮藻君遂擷宮芹志壯追騏驥才高美鳳麟一門詩禮盛  
二惠棣棠親世變驚烽火時艱起戰塵共籌桑梓衛屢應羽書頻  
磨盾揮文檄酬庸列縉紳官雖餐苜蓿教亦化狃獠始秉池陽鐸  
重驅涇水輪五河剛接篆多士樂餘春好客時投轄開筵任醉茵  
竹經霜益茂桂至老逾辛遇我偏殊眾知君最重倫存心惟尙厚  
觀過可知仁坦白胸無畛和平德有鄰庭栽雙玉樹根衍大靈椿



楓宸

如小第光烈再稿

暫別勞相憶聞聲動笑頰清談忘永夜把晤輒侵晨  
肝膈皆傾吐紛危費曲陳寬懷容直諒誠意感精純  
世態浮雲墮天庥湛露臻企看祥叠叠載咏趾振振  
祝嘏年周甲慚余悃莫申心長因語重禮薄爲家貧  
里句聊舒敬佳篇待錫珍箕疇添不盡福祿拜人人

又和韻詩二十首

東山肄業共專精

予與君當年共肄業東山

不覺頭顱白髮生君似馬援真矍鑠

幾番桃李手培成

君秉鐸皖江南北

利濟虹橋一澗橫波濤險阻賴無驚君方肩任終如始

歷口利濟橋君與同人肩

任督造始終不怠

旅客欣教坦道行



處事行權并執經存心質直不調停椒盤春酒生申候正值梅舒

柳放青

籌添海屋慶齊年

弟夫人亦壽屆六旬

堂上雙雙福壽全歲月壺中春不老夫

惟仁者自操權

財源無定似流川不羨他人捷足先我視浮雲身外物千金難買

子孫賢

鐸振池涇又五河春風尤喜滿城過冷官偏見心腸熱到處人人

樂且和

生平見義便當前愧我無能坐一瓊慷慨好施君莫吝解推不惜

杖頭錢



日與賓朋酒醉顏任他窗外鳥關關前身應是孔文舉座上常看

客往還

禮耕義種繼前人無曲無私可質神矩步規行循古道此生端不

失大真

迴思禦寇每巡行

當時賊氣告警君捧檄團練

指使年來享太平好頌岡陵天保

句循環甲子自生生

族兄靜菴軼羣稿

松鶴丰姿百練精本來面目是儒生稱觥競上岡陵頌憑仗新詩

與寫成

蘇文忠公句

元龍豪氣自縱橫塵尾傾談四座驚壽考維祺真福澤神仙原許

地中行



皖山皖水幾曾經桃李新栽手不停最是急流能勇退陶潛絲柳

又青青

奇才磊落憶丁年藉藉聲名自昔全熱血一腔曾在滿行藏端不

負經權

坦履周行利濟川

修造避水路重建利濟橋始終獨任

萼萼為善獨爭先惠聲彷彿來

溱洧載道猶歌子產賢

洗兵時雨挹天河捧檄曾教險阻過

粵逆紛擾設險禦寇曾著賢勞

今日介眉春酒

熟東風習習送微和

青湘繼世總光前冷宦何妨坐一瓊公瑾醇醪常飲我杖頭莫惜

買春錢



松篁閱歷各蒼顏杖履優游靜閉關池上鳳毛堪濟美文壇會記

奪標還

紹甫弟以  
冠軍入學

日麗風和信可人梅花修到見精神等閒得句成珠玉不數風流

賀季真

頻年作客憶行行大海蒼茫一望平

姪客歲曾  
航海入都

攜得棗梨偕獻壽眉

齊鴻案頌長生

姪肇鎔稿

附六十述懷元韻十首

少壯荒嬉業未精徒傷老大枉生生一衿雖博親難慰辜負青春  
夢不成

干戈十載擾縱橫到處風聲鶴唳驚練得民團衛鄉里當時我亦



伴巡行

戎幕煩勞畧慣經羨人未肯祖鞭停官齋苜蓿欄干長當路何曾

照眼青

四十池陽又四年四科童試遇欣全

大亂平後補試四科

誰知中路被風阻得

失難憑自執權

知非旋幸蒞涇川握篆叨居席較先桃李漫栽卅七樹


涇縣學額三十七名此

邦人士尚多賢

五六馳驅赴深河累人長道未經過北方風氣誰相試幸有良朋

臭味和

年來事事弗如前自笑心猿懶坐氊半世奔波風雨袖愁人眉急





是金錢


摸索床頭自汗顏送窮今日出三關詩書有味能尋得世上浮雲  
任往還

安命從知是達人儂何悶七不精神陽春有脚欣然駐坐抱琵琶  
寫本真

無水舟難自在行無風得見萬波平有時遇順帆檣正面面相逢  
壯我生

巖孫公小像題詞

噫嘻這秀才我認得號巖孫工筆墨早歲噪文名知白而守黑  
未幾值時艱投鉅起殺賊指困借箸極辛勤黃山無恙鎮徽國寇





退 帝曰汝其能一官俾作士矜式兩度春風被皖南一朝化雨

敷皖北我以佐公來深河盤桓益近古顏色展 君一幅巖孫圖

林園風景不可測栗里黃花漢苑桐都共階蘭爭秀特花塲蝶夢

擬非真即景怡情樂何極吁嗟乎囑 君片席為我謀消閒常願

侍木君側自亦許其松年弟馬鶴生題於五河學署副齋

栽徧門前桃李養成階下芝蘭閒來畫中讀畫秋色亦助顏歡

半林黃葉當徑幾本紫花滿籬山外更無人到園中早有孫嬉

案頭書餐腹飽屋角石坐襟清人擬無羶夫子自稱離垢先生

秋日園林足娛春風淮泗宜敷此去梧桐未老歸時共證斯圖

時君

將赴五河廣文任故云

岳樓弟歐陽大觀題



存楷公家傳

光緒辛卯秋汪君巖孫廣文年老家居追念其考贈公生平積勞備德而厭世已久蘄託諸文字列家乘以垂無窮命子鑫持狀來請爲傳觀譏陋何足以傳贈公顧與廣文夙知交今其孝思未可違且稱述前型風世厲俗司鐸職也其敢辭謹按公諱存楷字秉和號義山以子應例贈修職佐郎世爲唐越國公苗裔居祁門之倫坑稱望族父諱會渠敦品勵學名噪一翼執費者爭出門下贈公其仲子幼聰慧趨侍庭訓有所授輒熟習能解其義父甚愛之然家故貧約冢子方攻制藝不數年應童試獲雋因念兩世業儒不可無一治生者贈公年十三遂命之學賈於邑城當是時贈公



藐然少年又儒家子弟也邑城離家八十里所託人視非常兒比諸事不相束迫贈公顧勤謹受教惟恐弗盡所長數載學成始而爲人筦肆務繼則由己闢市門雖其間懋遷或易方居積無常貨靡不張弛操縱深中機宜未十年而家資以裕田產稍有增益遂建謙益堂成至是會渠公喜謂贈公曰兒誠無負吾任也公兄亦以爲能贈公自少服賈不能朝夕侍親側慰問月必數至及身有薪值與夫市有贏餘之歲必盡數獻之父不以一毫私父歿之日贈公年已逾壯哀泣如孺子面深墨見者爲流涕又二十年母歿亦然事兄執禮甚恭怡怡以和自同居至異爨後歸必面出必告有事必任其勞手足之情晚年彌篤其天性孝友如此贈公雖以



貨殖起家然嗜義戒徇利父歿數年卽歇業歸養母逾年有友約  
合業母亟促之出經理十餘年所獲益厚又建嘉善堂成而母病  
歿遂決志終喪不復置身闖闖矣喪畢值寇警遵籌餉例入貲由  
太學列成均鄉里有以緩急告者輒應之其讀書能文者相遇有  
加禮子二人皆令績學衍祖緒長曰承恩卽巖孫廣文時已蜚聲  
庠序而族中多寒畯士每苦乏應試資贈公病中謂二子曰吾欲  
倡捐腴產成文會以時獎恤之今時方亂未遑議亂平後汝務成  
吾志勿忘也臨歿猶申命及此享年六十歲贈公之卒也今三十  
有四年矣巖孫廣文當寇平時以倡率鄉團功得保用訓導凡三  
署學官事所至有聲公孫三曰肇繼曰鑫廣文出曰青選公次子



承業出皆爲邑諸生先後及觀門稱弟子曾孫秀發森若瓊枝人  
以是爲贈公身後之美報然觀按公生平以治生始不以徇利終  
至處家庭族黨間六行純備雖在詩書之士尤有未易能者則其  
垂裕豈有涯哉爲詮次之如右庶幾異日有徵而來者足法云

勅授修職郎

晉授奉直大夫 人特授祁門縣教諭世愚姪歐陽大觀頓首拜撰

大學德曉公傳

功名富貴非不顯也生前則榮沒則已焉夫人苟能於沒世後論  
其往事羣焉嘖嘖稱之此必有留貽於後人而非若功名富貴僅  
在一己也吾祖仕周公相陰陽以定基文亮公會宗於大阪迄今



族之人稱道二公弗衰厥後傑出者代不乏人若德曉公良足慕焉公質厚敦樸在鄉里間似無甚異於人而事之所能爲者雖勞不敢辭村居於十九都其地爲七保合保山業明季諸耆耇勉力購成全璧生於斯長於斯恒產卽賴於斯族人議編爲冊便於稽考舉以屬之公公慨然任之三易春秋而書乃成卽所傳爲清山簿是也後之人取而披閱瞭如指掌爭端所以永杜者皆於公是賴然則三年中精慮不知幾費有始有卒如此而其他之不苟且者可類推矣凡爲一事有所俾益於後人非沾沾焉爲一己計而又何必以功名富貴顯也嗚呼是可稱矣

族元孫肇鎔謹撰



承德郎例貢生達材公傳

聞之昔矣孝友一語爲政於家詩禮兩言貽謀於子用能翬七集  
 家庭之福綿繇垂奕世之祥若我達材宗叔先生誠其人也先生  
 幼卽岐嶷長而玉立殿河東之三鳳羣推季札之賢空冀北之千  
 羣獨擅計然之技陔蘭潔養常致其孝思棠棣聯歡不渝其式好  
 律已則黜華崇實慕石奮之家規接人則遠佞親仁效楊收之古  
 處擇牛眠以妥祖不惜手散黃金輸鱗畝以崇文惟期種成白璧  
 修橋路則財輕篋籜濟危困則義重嵩衡是以族黨稱其質行鄉  
 閭式其純風蔡約號禮度之門范晏割陰德之傳咸豐初載捐資  
 助餉廼身列於成均同治次元罄積敘勞爰銜躋於承德誕毓雙



璧濟美一門長君仰南承父業而蜚聲國學次君子承奉庭訓而  
芹馥宮牆宜其鴻案齊眉親見孫曾之四代飴舍繞膝足娛箕算  
於六旬尤復歛情冲素肖量恢淵衣不變裁經再浣而無斲陰常  
惜寸運百璧而何妨至於鄉曲之爭蘇援不少後起之秀獎借尤  
多雖童僕而語言必飲其和雖屐履而位置必得其任以故慕之  
者莫不指宿處而思有道臨酒坐而念車公烈與君家誼本宗祊  
情敦世好熟其素履宜無慚郭泰之碑式此高蹤行見續隴岡之  
表

贊曰五常蘊智六氣宣德言從吉人若游歡國自行束脩無愆嘉  
則至心爲內古訓是式鞶帶承




恩頭銜耀色就日維誠受福無極我附紀言永遠無忒

舜溪宗愚姪光烈頓首拜撰

太學洪璣公傳

嘗思天道之報施善人也有可知有不可知有可必有不可必然  
 不於其身必於其子孫此則斷斷不爽者也吾友南源醴泉宗台  
 幼承庭訓習舉子業質性純厚在儕伍間熙熙然未嘗有一忿言  
 有一遽色處宗族尤肫摯躬自厚而薄責於人合族興立敬敷文  
 會司理十年備極勞瘁樂成會敷用不繼又盡心經理七年皆不  
 取絲毫辛力至今祀用饒裕人皆稱其功特艱於童子試府邑屢  
 列前茅至學憲試俛得復失而奮往之志弗衰生平謹言慎行誨





蒙塾盡誠教導不以束脩之多寡爲厚薄食貧茹苦而取與極其  
廉介無自私自利之心育二子長者治商援例太學生次子穎悟  
親督教之能應試期望尤切果於辛巳年入邑文庠非天之積累  
於其後者乎予與先生同試郡邑每傾晤如故交因悉其家世旣  
敘其封翁之碩行爲壽言復覩縷先生之懿美附於家乘之後見  
天道之福善信而有徵云

宗弟光烈謹撰

經巢公六十壽序

光緒三十二年

歲之闕逢執徐且月朔旦爲我姪兄經巢先生六袞攬揆之辰於  
時及門諸子鄉里夙儒以及戚屬知交輩相與發爲詩歌以賡燕



喜者固已爛若雲錦余惟古者壽人以文非禮也顏氏家訓稱江南風俗是日有供頓聲樂後世自貴逮賤無不崇飾故震川歸氏望溪方氏嘗爲之是或有道焉夫文生於情文至矣而情不足以副之舉粗而忘精識小而遺鉅淺也溢而飾之等於貢諛者之所爲陋也稱述其事蹟而不歸本於詒謀是不以君子之道待人也  
是數者皆非先生之所許也蘭芬忝附甥館又兼世誼若卽眾人之言以爲言殊非所以爲言之道則請敘述其生平追溯其先德舉眾人所不能言言之而不能悉且盡者以明受祉之原而致難老之祝可乎先生生長名門幼承庭訓敦行力學博極羣書凡六經之蘊百氏精義之說靡不輾其庭而據其席精制舉業氣息醇



厚每一藝出人爭誦之以擬之金陳歸方先翁以名諸生困痒序  
橐筆鄉闈十餘役曾不一騁騏驥之足先生躬承家學三膺鶚薦  
均以額滿見遺登壬午賢書堂上二老得親見之然後知前之靳  
之者所以蓄其光後之畀之者所以發其蘊作善降祥洵非倖致  
已先翁晚年得痿痺症轉側需人先生朝夕侍疾親調湯藥以進  
嚴寒大溲令子婦輩啟移手足而自以身翼護之屏氣惕息久而  
彌敬型于之化及於一門既奉父諱哀毀滅性念母氏劬勞不忍  
遠離膝下故一上春官卽絕意進取戊戌考挑先生科最早名次  
又前知交勸駕者以爲此行牧令之職可操券得而先生卒不動  
心己亥權菊江校官儒術濟濟翕然景從解組後大府檄委姑熟



建平學篆均固辭不就非薄之也蓋其自審有素人爵之貴不敵  
天爵之高視彼患得患失者流其度量之相越爲何如耶嘗見今  
世之士自束髮受書卽以干祿爲鵠愴七焉恐不媚悅於主司得  
矣又挾其術以釣譽而徼福奔走於仕宦之途耽耽於王畿勢要  
之地少壯而遠遊窮老而戀棧甚或及身不得歸鄉井卽歸矣而  
子若孫沾染氣習博目前之虛名貽無窮之實禍豪華代謝過眼  
成空不勝昨是今非之感以競躁如彼以恬退如此君子於此可  
知所自處矣青蓮菴爲先翁講學地一時雋秀多出其門嘗謂塾  
師誤人子弟造孽非細先生設帳其中本此意以教人從遊之士  
得薪火傳者扶搖直上登仕版通籍於朝者間不乏人而先生曠



然怡然專以誘掖後進扶植世教爲己任漠然若不復知利祿之爲何物也者談經之暇兼及緒餘工行草書人爭求之如獲拱璧性狷介義利之界析及毫芒交友重然諾不以初終易非公事不至邑宰結廬山中間與田夫野老話桑麻瑣事年居六旬神采煥發鬚眉如戟而道德之華詩書之氣睟然見於面盎於背施於四體孟子所謂養吾浩然之氣先生其庶幾乎哲嗣問源淵源克紹以第一人補博士弟子員旋以優等食餼每試輒冠其曹將來掇巍科擢高第可翹足待諸孫玉立甫舞勺卽解屬文傳曰傳道得徒又曰身其康強子孫其逢吉以先生之德之遇而名教之樂與天倫之樂兼而得之雖三公不以易也

蘭芬以婚媾之好爲道義



之交自咸豐庚申同受業於鯉庭同治丁卯又同受知於朱久香  
師箴規之雅親愛之私無殊骨肉自慚少不努力徒作臨淵之羨  
中間變故遞遭先生維持調護之力居多今幸蹶而復起迴憶竹  
馬嬉戲光陰荏苒忽忽焉不自知老之將至觀先生舉案齊眉太  
和之氣萃於一門用倣詩人戩穀俾臧諸篇之義以徵延齡錫嘏  
之由以下福量之來之方興未艾以佐問源萊衣之慶先生其亦  
引爲知言欣然而晉一觴也乎

勅授修職郎歲進士汪銓教諭

愚妹壻葉蘭芬頓首拜譔



經巢公六十自壽用五十原韻四首

綠陰晝靜篆爐煙舊夢回頭憶昔年  
遜業每思修綆得壯懷安欲

着鞭先官塲况味何妨冷

攝菊江學篆旋奉委建平辭未就

隙影居諸覺易遷尋得幽

篁風颭至論文餘事好談禪

課徒青蓮菴

六十年來事事更五洲雲擾一盱衡  
江淮雖半沙含蜮瘴海偏多浪跋鯨  
豈有普通真策士翻嗤怙括老經生  
投時競說新花樣獨我殘編伴短檠


山居原為避囂塵偏有紛紜未了因  
囊淺敢探鼃錯智腹便誰識

郝生貧怕听風雨傷知己

洪左亭昆季謝熾甫諸舊友相繼物故

况近桑榆老逼人惆悵

先靈何日妥撼龍安得指迷津





火辭薄祿遂初衷蘿薜簪纓迴不同賦命豈教牛宿值談經深愧

虎皮蒙硯田一畝謀詒燕書幣連番感寄鴻

曹蔗生程幼堂廣文徐壽齋少尹童熾周孝廉暨諸戚友

洪益良諸門人將幣郵祝却之不受復遣伴來雅意良毀

利鎖名韉羈幾輩何如尙友樂無窮

紹甫步和原韻

吏隱山如鶴避煙鱸堂花甲乍週年岡陵頌晉誕辰後錦繡箋施

絳帳先佳句不妨尋舊韻

先生自壽詩俱用四十五壽韻

宦途歷過任新遷

先生署菊江學正先

後札委太平建平均未就

通經自是匡時畧強作傳經學靜禪

參橫斗轉夜三更

蘇文忠公句

筆下龍蛇紙上衡門外有車時問字山

中無客說飛鯨教從根抵先儒品庠列功名半學生自愧魯愚叨

侍側夜窻虛負一燈檠



朗月裹懷無一塵早從桂殿認前因

先生領壬午鄉薦舉

身偏思退何妨老門

是栽花豈患貧綺席講經清听雨青山留客綠依人高文典册千

烁業繼往彌開來者津

脫却朝衣素服衷淵明清節得毋同裝輕到處稱官好化被諸生

咏雨蒙秋月梧高棲老鳳西風池上有飛鴻

謂問源姪父子

他年紫誥頻頒

至笑舞萊衣樂莫窮

秋浦步和原韻四章

頂瓣心香一炷煙祝同海鶴壽千年寬懷浩浩婁邵德素性錚匕

王孝先白傳不嫌僧共社

先生館設青蓮庵

淵明何必仕三遷

先生前署菊江學正先後札委太平

建平兩任均未就

文章曾把衙呼宋

先生領壬午鄉薦舉

吏隱無妨靜悟禪



居今時事競紛更乙幅經綸大鑑衡字證豕魚翻走蠹筆搖山岳  
撼長鯨文翁化蜀多奇彥沈老開門授後生羨得四時真樂永夜  
窻分與讀書檠

秋水澄懷不染塵圓珠品玉幸依因傳家自昔持清白負硯爲田  
樂素貧爍火有光同日月稱師合口并經人校書畢竟求真學必  
擢龜山復問津

不肯沽名是素衷天倫樂敘一家同儉躬搯以恒爲泰清味甘于

井取蒙先生館中時有數小子新語篇成驕陸賈三八館課近遵新令同以策論易文齊眉案舉頌

梁鴻嫂夫人同壽階前蘭桂門前柳依樣青青發莫窮

秋浦公又依前韻誌盛四首



日高山遠淨無煙嶺上書聲憶昔年請業早依尼父側着鞭多讓

祖生先乙時同學有奇傑

謂洪惠  
余諸人

中道紛馳逐懋遷貨殖浪云師子

貢勞勞非夢不談禪

人情領畧暑寒更閱到纔堪自抗衡犀照有心光屈蘧

蘧近業茶常  
勞顧問勝負

塵談空聽說飛鯨

庚子夏蠡游蘇滬謁張伯川參戎晤洪希甫昆  
季均勸就幕時以北洋啟衅致歸迄無招信

驚聞蜃市翻

奇局幸托龍門過此生最是師恩澤貧賤

蠡前從游承  
蒙不計修脯

心銘牢篆對

宵檠

一謁常消萬斛塵師生相得認前因想傳衣鉢慚無分念淡功名

好馭貧緘默本來非故我維持恃有老成人

近年族事獨  
賴先生扶持

拋書睡穩

江湖夢且訪陶朱細問津



誼重情長結寸衷一家兩代受恩同

同出門下

春風共誌向來惠

化雨偏教格外蒙

平日視

小草茂緣滋宿露高歌聲欲達飛鴻乞

天長假多公壽朽木重雕望未窮

首領於六莫不結麻

版坐於心林同學休奇於

余請人

中後保舉

日高山夢

除懸於止書聲

業早於以父

與

與



汪公柏山先生傳

公諱焱圭字柏山號湯谷父可述母方氏黃氏兄弟有四長洪詠次洪詵季洪誦公行三南源之隱君子幼岐嶷性聰穎讀書過目成誦動止輒異儕輩弱冠補博士弟子員然以澹於進取刻厲潛修不復以功名富貴爲念寢經饋史醫地尤爲其所長接物持躬氣節秉大公無我居嘗律己嚴肅待人寬厚事上以孝御下以慈一言一行有古君子之風常以人生斯世不能展其懷抱效忠於國亦當堅定吾志發揚我數千年孔教文化注重道德教育訓誨後生新進使其敦倫盡分閑邪存誠爲立身處世作人之根本其以身教教人也如此宜其後嗣寢昌書香濃郁爲我都文化發源



之開山祖今之薰其德而被其澤者皆嘖嘖稱道公之盛德感人如春雨之潤木發榮滋長而不可以形容者矣公暮年性耽禪寂著述自娛竹杖芒屨深得林泉之樂有時靜觀南溪山水循流而上不數武豁然開朗彷彿若桃源土地平曠草木藂茂松風挹翠竹影搖青不假點綴相映成趣真天然勝景也公遂卜居於此署其里曰肇基今號稱屋基里者譌也始而結茅爲蓬以蔽風雨繼則砌磚覆瓦改構華楹未幾叔伯兄弟亦先後續遷戶遂以密支遂以繁人文日形蔚起門閭日見高閎公之艷裔洎叔伯子孫由入學食粟而分香貢樹探花桂苑者眾矣君子觀歷代人文之興替未嘗不嘆古人卜居相宅之有繇也詩曰高山仰止景行行止



余雖去公遠矣未獲承教幸常與公之嫡裔範如畏友同執教  
鞭於閔里明德小學課暇遊息尙論家世熟聞公之生平刻苦  
勵學堅忍卓絕之奇行足以廉立頑懦鉞砭薄俗其一種幽光  
潛德誠有歷萬世而不可磨滅者茲當其譜牒告成烏得無一  
言以爲表襮爰不避唐突故特傳而贊之

贊曰

倬彼高山兮巍巍在前瞻望弗及兮尙有典型節品不易其操  
兮其志彌堅學究天人兮衍孔孟之心傳不求聞達而安貧樂  
道兮孔顏之樂怡然富貴於我如浮雲兮在山清異出山泉相  
宅奠厥攸居兮茸茅屋之一椽蓄德而栽培蘭桂兮瓜瓞縣七







南源汪氏支譜卷之十

明盛公下六十九世諱俊義至八十七世圖

按明盛公三子義俊至七十八世茂梓生子六四日金貴由南源遷石埭邑之黃嶺鴉源六日金魁由南源遷石埭邑之沙埭咸同間粵寇蹂躪村墟半為茂草遭亂流離末由查究其自俊義公至八十七世舊譜已載圖系仍錄之以俟來者民國癸酉黃嶺鴉源支延佑因流遡源由本及末既知恩推一脈仍來合修至八十九世是亦報本追遠之意云耳

六十九代

七十代

七十一代

七十二代

申二

圖見后

俊義

六九

魁七


德三

圖見后

七十二代

七十三代

七十四代





申二

祖生

仕昌

天保

仕畱

相保

來祖

德三

永保

仕能

元生

圖見后





七十三代

七十四代

七十五代

七十六代

七十七代

志義


遷青陽

志明

金宗

銀宗

鼎宗





接祖

志有

志清

二乞

文壯

文洪

文璉

文臭





勝祖

大興

志興

再興

六興

甫興

接興

文池


文政

才政

圖見后

天將

天其





元生

成祖

虎興

田興

回興

再興

文九

景元





三祖

四興

來興

文忠

文六

細乞


七十六代

七十七代

七十八代

七十九代

八十代





添瑞 圖見后

添昊

茂三

茂秀

茂祖

茂梓 圖見后





添海

葬虎形

才政

妻胡氏同

葬十八都

三洪石小

嶺佛龕後

巳亥加巽

乾向

添喜

茂宗

茂瓊

茂壽

茂擇









茂林

妻李氏

添昭

茂和

七十七代

七十八代

七十九代

八十代

八十一代

添瑞

又名承乞

茂佑

金祖


金隆

重九

榮生

福九

復生





七十八代 七十九代 八十大代

金富


金和

金榮

如福

茂梓

妻葉氏





八十三代

金貴

遷石埭邑  
黃嶺鴉源

圖見后

金元

如明

金魁

遷石埭邑  
沙埭圖見  
本卷之十  
二

七十九代


八十大代

八十一代

八十二代

八十三代

大喜





石邑黃嶺

鴉原始

祖妻凌氏

金貴

同葬賽坑

軍田坂棗

樹下

如學

字德明妻

鄭氏同葬

烏鴉形

宗南

有時

字汝中妻  
王氏

有昭

字汝乾妻  
沈氏

大修

圖見后

大倫

圖見后

大春


八十三代

八十四代

八十五代

八十六代

八十七代





大修

生於康熙  
壬午妻張氏

起盛

妻吳氏

德志

妻胡氏

德惠

妻胡氏

可全

又名如發


三發

寄發

再發

可光

又名松柏  
妻胡氏繼  
娶王氏





起益 圖見后

八十四代

八十五代

八十六代

八十七代

八十八代

可發

生於嘉慶元年歿於道光壬午妻胡氏

春茂


可榮長子紹生於道光丙申配胡氏吳氏故繼娶陳氏

連發

生於乾隆

春茂

出紹可發





起益

生於乾隆  
辛酉妻胡氏

德思

庚寅又名  
德福妻胡氏

可榮

又名萬祥  
生於嘉慶  
丙寅妻胡氏

進茂

生於道光  
壬寅配胡氏

萬來

新發

八十三代

八十四代

八十五代

八十六代

起蓋

妻劉氏

德忠





大倫

字賢武生  
於康熙戊戌妻胡氏

起孟

圖見后

起盈

妻胡氏

起盟

妻胡氏

萬福

福壽

妻沈氏

德思

又名社九  
妻李氏

貴法

萬法

觀法

圖見后





八十四代

八十五代

八十六代

八十七代

八十八代

起孟

妻胡氏

德恩

妻胡氏

大發

生於嘉慶

丁巳妻方

氏繼娶潘

氏

萬發


榮發

光生

光茂

生於道光

戊申





八十六代 八十七代 八十八代 八十九代

花苟 蕩

家銓 生民國丙寅  
寅亡亥甲寅  
寅戌辰癸


延佑

夏九 蕩

乳名金茂 生成豐丙辰十一月  
生道光己丑娶胡氏  
光庚寅夫 小姝生道  
十一戌時 未十一月  
二十辰時 翌光緒丁

乳名貴保 字燮榮生光緒二十九年十月  
初三亥時 娶胡氏銀  
弟翌繼娶 雷湖胡氏  
翠花生光緒三十二年十月十

乳名來旺 原係青陽





觀法

婦合葬下  
首蟹形乙  
山辛向與  
子同穴繼  
娶林氏有  
弟歿葬小  
塢裡

洪源

葬下首蟹  
形與父并  
母胡氏同  
穴乙山辛  
向娶凌家  
旭凌氏春  
枝生同治  
己巳正月  
初二寅時


八巳時

小苟  
殤

肇龍


縣汪村宗  
長子  
承祧生民  
國壬戌六  
月初一午  
時

小田  
殤





七十九代 八十代 八十一代 八十二代 八十三代



天子 圖見后

有順

大元

大安 圖見后

有重

大雨 圖見后

*[Faint bleed-through text from the reverse side of the page, including characters like '千', '同', '文', '獻', '大', '心', '山', '辛', '向', '聖', '鄭', '康', '其', '如', '九', '春', '其', '主', '同', '信', '其', '二', '山', '胡', '子', '日', '山', '其', '其', '主', '同', '信']*



如乾

宗源

如習

子亥庚寅  
主庚寅  
又辛卯

金魁

石埭邑沙  
塋始祖

如坤

如習

甲寅  
主庚寅  
又辛卯

如光

庚寅  
主庚寅  
又辛卯

如習


庚寅  
主庚寅  
又辛卯

有黑

有青

大右

圖見后



八十三分

八十四分

八十五分

八十六分

八十七分



八十三代 八十四代 八十五代 八十六代 八十七代

大子 妻楊氏

起智 生於康熙 戊戌又名 茂妻湯氏

德莒 又名壽祥 生於乾隆 癸酉

可敏


金續 妻楊氏

成秋

德莒 又名臘狗 生於乾隆 甲辰

起賢 又名招德 生於康熙 己亥妻方氏

又名春狗





大安

生於康熙  
己巳妻儲  
氏

起資

乳名喜德  
生於雍正  
二年

起興

乳名興龍  
生於康熙  
庚子妻楊  
氏

德尊

生於乾隆  
戊子妻楊  
氏

德華

起員三子  
紹乳名五  
生於乾隆  
戊戌妻楊  
氏

萬發

觀相


可璽

乳名春陽  
生於道光  
乙酉配胡  
氏繼娶舒  
氏

可珍

乳名來勝  
生於道光  
戊子配儲  
氏

洪發





起貞

生於康熙  
乙亥妻胡氏

德茂

乳名初狗  
生於乾隆  
庚辰

德茂

可政

乳名黑子

氏

觀林

壽保

觀子





大雨

生於康熙  
乙亥妻胡氏

起員

恩錫文林  
郎乳名福  
龍生於雍

德保

德美

乳名觀送  
生於乾隆  
乙未妻唐氏

可敬

乳名如喜  
生於嘉慶  
丙寅


可欽

乳名祖應  
生於嘉慶  
辛未配舒氏方氏繼  
娶李氏

可尊

乳名萬泰  
生於嘉慶  
乙亥妻胡

洪旺





正己酉妻  
楊氏

德華

出紹起興

可海

乳名海陽

氏


德芳

乳名貴發  
妻程氏

宗楊

德茹

乳名六壽  
妻楊氏





新發

起貴

生於乾隆  
壬戌妻舒氏

德芝


乳名有德

起質

乳名百祥  
生於乾隆  
甲寅妻桂氏

德音

妻吳氏





大右

生於康熙  
丁亥妻楊氏

起贊


乳名百壽  
生於乾隆  
戊辰妻舒氏

德得

妻舒氏

德惠

發喜





各房秩下領譜字號編次於后

子部

二房志斌公秩下領

丑部

三房廷彩公秩下領

寅部

一甲志通公秩下領

卯部

三房雲公祀領存祀

辰部

三房元公祀秩下領

巳部

三房集公祀秩下領

午部


長房一清公秩下領

未部

五房志寬公秩下領

申部

三房成昌祀領存祀





酉部

三房廷梁公秩下領

戌部

一甲志清公秩下領


亥部

長房繩武堂秩下領

亥部

暫歸敬敷堂秩下領

以上共計十三部編為子丑寅卯辰巳午未申酉戌亥字號拈闡分領多亥字號一幅預備為鴉源支分領現暫歸祠眾首人收藏






# 南源汪氏支譜刊誤更正表

此屆因正譜已刷成功校對仍有此刊誤翻盤則虛糜經費任錯則貽誤將來故特刊此簡表便於檢查更易後來者其識之

一關於第幾冊幾卷幾頁幾行幾字刊誤應更者

冊數	卷數	頁數	正面	反面	行數	字數	刊誤	應更
一	三	一	反		五	七	由	田
一	一	七二	又		七	二	一	之
又	又	又	又		又	三	之	一
二	二	七	又		四	七	秦	秦
二	三	六	又		一四	三二	郎	郎
二	三	八	又		七	一七	宇	宇
二	三	一	正		八	一〇	床	床
二	三	一	反		一六	九	一	鎮
二	三	一	又		一六	一〇	鎮	一










六	六	六	六	六	六	六	六	六	六	四	三	二	二	二	二
九	九	九	九	九	九	九	九	九	九	五	四	三	三	三	三
七	三	二	二	二	一	一	一	四	九	四	三	三	三	三	三
三	九	二	二	二	七	五	五	三	九	七	九	九	九	九	七
又	反	又	又	正	反	又	正	反	正	又	又	又	又	又	反
一	〇	九	九	五	九	五	四	三	一	二	二	五	五	五	六
二	五	七	六	〇	三	九	一	七	二	二	九	四	三	二	三
迥	樽	管	墾	提	洽	編	編	茶	家	八	七	其	世	俊	十
迥	樽	族	懇	持	洽	騙	騙	菽	宗	九	八	世	其	浚	八






二關於第幾冊幾卷幾頁某圖幾行幾字刊誤應更者

六	九	七三	反	六	二	帳	
六	九	七三	又	九	一〇	抵	
六	九	七四	正	八	二〇	邵	
三	四	一六	肇瀆	小	一	二	援
三	四	二〇	洪遂	小	五	三	興
三	四	二一	洪述	大			述
三	四	二二	延和	小	一	三	喜
			又	小	一	四	善
三	四	二五	繹梭	大			梭
三	四	四九	會渠	小	一	四	授
三	四	五〇	存誠	小	四	三	苳
			又	小	二二	三	全
三	四	五〇	延炳	小	一	三	后

本卷之五十九













五 六 八三 洪品 小 一四 四 父 母

又 小 一九 一 源 流

又 小 一九 二 流 源

五 七 三 可軒 又 一三 一 玫 墳

五 七 五 延奠 小 一九 四 梅 楊

又 小 二〇 一 楊 梅

五 七 二七 德儀 小 一八 三 燦 燃

五 七 二八 可銅 小 一一 一 燦 燃

三關於第幾冊幾卷幾頁中間邊上刊誤應更者

冊數 卷數 頁數 正面 反面 中間 邊上 刊誤 應更


一 一 三 正 中 邊 舊 後

一 一 四 正 中 邊 通譜舊序 譜說

三 四 後二三 正 中 邊 三 四

四 五 一 中 中 四 五

六 八 前四 正 中 邊 仕宏 鳳





六 九 一一 正 中 邊 文 結

六 九 六九 反 中 邊 機 機

六 九 七〇 正 中 邊 機 璣

四關於第幾冊幾卷幾頁某圖幾行遺漏應增者

冊數 卷數 頁數 圖名 行數 某字下 某字上 遺漏應增

四 五 四三 可述 小 二二 乾 下 己 上 隆

四 五 九〇 肇根 又 一一 溪 下 轉 上 王氏

五 六 一二 可法 又 一四 時 下 西 上 葬

一 總目三 一一 榮桂公贊後 錦嶺中墩總墓圖

五關於第幾冊幾卷幾頁某圖幾行重複應刪者

冊數 卷數 頁數 圖名大小字 行數 某字下 某字上 重複應刪

四 五 四三 延驤 小 二三 橫 下 塲 上 隆

六關於第幾冊幾卷第幾頁正反面幾行遺漏應增者

冊數 卷數 頁數 正面反面 行數 某字下 某字上 應增

二 三 一六 反 三 曾 爻 祖

六 九 一三 正 七 處 在 復

